

詩經傳說彙纂

大雅


十九

內閣文庫			
二七五函	一〇二	漢	
一四架	一〇五	書	
	號	類	

大政官文庫			
一〇〇	一〇五	漢	
	函	書	
	冊	門	

內閣文庫	
番號	漢 1025
冊數	100 (62)
函號	275 207





欽定詩經傳說彙纂卷第十八

明治十一年購求

生民之什三之二

厥初生民時維姜嫄音原叶生民如何克禋音克

祀叶養以弗無子叶獎履帝武敏叶母歆攸介攸

止載震載夙叶相載生載育叶日時維后稷叶通

集傳賦也。民人也。謂周人也。時是也。姜嫄。炎帝後。姜姓。

有郃氏女。名嫄。為高辛之世妃。孔氏穎達曰。鄭以姜嫄為高辛之世妃。謂其後

世子孫之妃也。未知其為幾世。故直以世言之。精意以享。謂之禋祀。祀郊禘也。

弗之言祓也。祓無子。求有子也。古者立郊禘。孔氏穎達

高禘。蔡邕月令章句云。高禘。祀名。高猶尊也。禘猶媒也。毛於此及玄鳥傳。皆作郊禘。則讀高為郊。鄭於此箋亦云郊。

蓋祭天於郊。而以先媒配也。變媒言禘者。神之也。

其禮以玄鳥至之日。用大牢祀之。孔氏穎達曰。燕至在春分二月之中。主為

產乳蕃滋。故王者重其初至之日。用牛羊豕之大牢。祀於郊。禘之神。○郊天用特牲。而此祭天用大牢者。以兼祭先禘之神。異於常郊故也。○顏氏達龍曰。祠以仲春。正其候也。祭以大牢。尊其禮也。祀以南郊。重其事也。

天子親往。后率九嬪御。孔氏穎達曰。天子親往。敬其事。故親祭之。后妃率九嬪從之。而

往。侍御於祭焉。乃禮天子所御。帶以弓韜。授以弓矢。于郊禘。

音獨。

之前也。孔氏穎達曰。禮。天子所御幸者。使犬祝酌酒。飲之于郊。禘之庭。以神之惠。光顯之也。弓矢者。男

子之事。使之帶弓衣。執弓矢。冀其所生為男也。○劉氏瑾曰。此上所言祭郊禘之禮。乃通言古者天子有此禮耳。非專指姜

嬀之事也。履踐也。帝上帝也。武迹敏。拇。郭氏璞曰。拇迹大指處。○

朱子曰。敏字當為歆。動也。猶驚異也。介大也。震。娠也。孔氏絕句。叶上韻耳。

頴達曰。左傳云。邑姜方震。犬叔。夙肅也。生子者。及月辰。

居側室也。朱氏公遷曰。內則。妻將生子。及月辰。居側室。疏云。側室。次燕寢之旁。生子必於側室。以正

室燕寢尊故也。育。養也。○姜嬀出祀郊禘。見大人迹。而履其拇。

鄭氏康成曰。時有大人迹。姜嬀履之。足不能滿。履其拇趾之處。○劉氏瑾曰。姜嬀以高辛子孫之妃。而得祀郊

次三寺經傳說彙纂 卷十八 生民之什 二

禘。豈古禮簡質。天子諸侯皆用其禮歟。遂歆歆然如有人道之感。於是即其所大所止之處。而震動有娠。乃周人所由以生之始也。周公制禮。尊后稷以配天。故作此詩。以推本其始生之祥。明其受命於天。固有以異於常人也。然巨迹之說。先儒或頗疑之。而張子曰。天地之始。固未嘗先有人也。則人固有化而生者矣。蓋天地之氣生之也。蘇氏亦曰。凡物之異於常物者。其取天地之氣常多。故其生也。或異。麒麟之生。異於犬羊。蛟龍之生。異於魚鼈。物固有然

者矣。神人之生。而有以異於人。何足怪哉。斯言得之矣。

集說

王氏安石曰。繇所謂民之初生。則本由犬王之興。

此所謂厥初生民。則本其由后稷而起也。○朱子曰。毛公說姜嫄出祀郊禘。履帝馨之迹而行。將事齊敏。

鄭氏說姜嫄見大人迹而履其拇。二家之說不同。古今諸儒。多是毛而非鄭。然案史記亦云。姜嫄見大人迹。心

忻然欲踐之。踐之而身動如孕。則非鄭之臆說矣。○後世所謂祥瑞。固多偽妄。然豈可因後世之偽妄。而并真

實者皆以為無乎。鳳鳥不至。河不出圖。孔子之言。不成亦以為非。○天下之理一而已。而有常變之不同。夫二

氣交感。化生萬物者。理之常也。若姜嫄簡狄之生。稷契此理之變也。○履巨迹之事。有此理。且如契之生。詩中

亦云玄鳥降而生商。蓋以為稷契皆天生之耳。非有人道之感。非可以常理論也。漢高祖之生亦類此。此等不

可以言盡。當意會之可也。○輔氏廣曰。初生周人者。實

姜嫄也。生民如何。是又問其所以然也。以下則述其所
以然而終結之。以時維后稷一句。蓋言其所生之子。實
后稷也。后稷始教民播種。而利及萬世。非天所命而何。宜其始生之靈異乎。

○誕彌厥月。先生如達。他末反不坼。反不副。孚逼反

無菑無害。音曷以赫厥靈。上帝不寧。不康

禋祀。叶養里反居然生子。叶獎里反

集傳 賦也。誕發語辭。張子曰。此篇多誕字。皆訓為大。後有不甚通者。疑皆發語辭耳。彌。

終也。終十月之期也。鄭氏樵曰。彌滿也。先生首生也。達小羊也。

羊子易生。無留難也。坼副皆裂也。何氏楷曰。副本作赫。

顯也。不寧。寧也。不康。康也。居然。猶徒然也。○凡人之生。必坼副。菑害其母。而首生之子尤難。今姜嫄首生后稷。如羊子之易。無坼副。菑害之苦。是顯其靈異也。上帝豈不寧乎。豈不康我之禋祀乎。而使我無人道而徒然生是子也。

集說 孔氏穎達曰。天既祐命有身。又使之生易。是天意

之乎。言上天誠降福而安之。使母無病苦。子得易生。是天安之也。姜嫄之身。豈不見安於禋祀乎。言姜嫄實見安於禋祀。祈則有子。生之又易。是為禋祀所安也。○蘇氏轍曰。后稷。姜嫄之元子也。既終其月而生。其生也如

達之易。赫然甚異於人。此豈上帝不安之哉。然姜嫄乃反以其由禋祀之故。居然無疾而生子。是以不安而棄之。

○誕寘之隘。於懈反。巷。牛羊腓。符非反。字之。誕寘之平。

林。會伐平林。誕寘之寒冰。鳥覆。敷救反。翼。叶音異。之。

鳥乃去矣。后稷呱。叶去聲。矣。實覃實訐。叶去聲。厥聲。

載路。

集傳 賦也。隘狹。腓。芘字。愛。胡氏一桂曰。集傳於采薇小人所腓。引程子曰。腓。隨動也。如足之腓。足動則隨而動。如是則正與易咸其腓同義。意者牛羊見稷。以足肚遮芘之。如有愛之之意。故謂之

腓。會。值也。值人伐木而收之。覆蓋翼藉也。以一翼覆之。

以一翼藉之也。孔氏穎達曰。上覆下翼。明非一翼耳。姜嫄以玄鳥至月而禋祀。在母十月而生

稷。其生正當冰月。故得棄之冰也。呱。啼聲也。覃。長訐。大載。滿也。滿路。言

其聲之大也。○無人道而生子。或者以為不祥。故棄之。

而有此異也。於是始收而養之。

集說 朱氏善曰。牛羊之腓。護之。以其股也。鳥之覆。護之。以其翼也。人之會伐平林。則又收而置之懷抱也。

人與我同類者也。物與我異類者也。而無有不愛護之意。以見天之所生。固非人之所能棄也。實覃實訐。厥聲

載路。此稷之所以異於人也。於是始收而養之。則亦知其受命於天。而不可以常兒待之矣。

○誕實匍

音蒲北反

克岐克嶷

魚極反

以就口食

之荏

而甚反

菽荏菽旆旆禾役穰穰

音遂麻麥蒙蒙

莫孔反

瓜瓞嗶嗶

布孔反

集傳

賦也。匍匍，手足竝行也。岐嶷，峻茂之狀。就，向也。口

食，自能食也。蓋六七歲時也。蓺，樹也。荏菽，大豆也。孔氏曰：釋草云：戎菽謂之荏菽。孫炎以為大豆。旆旆，枝旗揚起也。錢氏文子曰：如旗之旆也。役

列也。孔氏穎達曰：種禾則使有行列。穰穰，苗美好之貌也。王氏安石曰：成秀也。○錢氏文子曰：穰與穗通。穰，禾多實也。蒙蒙然，茂密也。嗶嗶然，多實也。劉氏

旆旆，穰穰，蒙蒙，嗶嗶，言皆異於常人所種。○言后稷能食時，已有種殖之志

蓋其天性然也。史記曰：棄為兒時，其遊戲好種殖麻麥

麻麥美，及為成人，遂好耕農，堯舉以為農師。

集說 鄭氏康成曰：能匍匍，則岐嶷然，意有所知也。其貌

謂六七歲時，就口食之時，則有種殖之志。言天性也。○

輔氏廣曰：此章則言后稷之於種殖，蓋天性自然生知，

非從習得，皆所以終首章之意也。○曹氏居貞曰：聖人

一種殖之間，而嘉種各遂其性，則所稟之異可知矣。

○誕后稷之穡，有相之道。

息亮反第厥豐草

種之黃茂

叶此反實方實苞

叶補聲實種實

衰

叶徐久反

實發實秀

叶思久反

實堅實好

叶許口反

實穎

營井反

實粟卽有郃

他來反

家室

集傳

賦也相助也言盡人力之助也

張子曰有相之道贊化育之一端也

今農民未見致力於田者或有一耕卽種其收卽天幸也惟后稷則盡人力之助

蒹治也季氏本曰

蒹草盛之名因草盛而治去之故蒹卽爲治也

種布之也黃茂嘉穀也

何氏楷曰黃土

色洪範曰土爰稼穡故五穀色多黃

方房也苞甲而未拆也此漬其種也

種甲拆而可爲種也

朱氏公遷曰生意藏於其中是爲房生意蓄而欲泄是爲甲甲者草

木之仁也拆則破其種而出之矣

衰漸長也發盡發也秀始穰也

黃氏震曰

發者苗之長盛秀者苗之吐華

堅其實堅也好形味好也穎實繁碩而

垂末也

孔氏穎達曰說文云穎禾末也言其穗重而穎垂也 粟不秕

成見其實皆粟然不秕也

孔氏穎達曰左傳云嘉粟旨酒服虔云穀之初熟爲

粟

郃后稷之母家也豈其或滅或遷而遂以其地封后

稷歟

陸氏德明曰郃后稷所封國也今在京兆武功縣 ○言后稷之穡如此故

堯以其有功於民封於郃使卽其母家而居之以主姜

嫫之祀故周人亦世祀姜嫫焉

劉氏瑾曰曹氏曰生民之功本於姜嫫不可弗

祀故周官大司樂奏夷則歌小呂舞大

濩以享先妣而序於先祖之上尊之也

集說 輔氏廣曰。自浸種以至收成。無非盡人力以相助之。而但曰耜者。要其成而言之耳。且稷大賢也。為農師。則專於農事。以至於受封有國。而未嘗及於他務焉。古人之精於事也。蓋如此。○嚴氏粲曰。所以詳言其成熟之次序者。見稼穡之艱難。非一日所能致。或苗而不秀。或秀而不實。滅裂耕者。報之亦滅裂。鹵莽耕者。報之亦鹵莽。今稷能教民以盡人事。故其耜如此。○朱氏善曰。實方實苞。自其漬種時言之也。實種實稂。自其始苗時言之也。實發實秀。自其始穗時言之也。實堅實好。自其始實時言之也。實穎實粟。自其實熟而收成時言之也。此稷之播種所以大有功於斯民。而有邠之封。所以享無窮之報也。○姚氏舜牧曰。天之所以生萬民者。稼穡乃天能生地能成。而不能使其民之生且成。棄相天之時。因地之利。一一左右而曲成之。使稼穡之利昭然大播於天下。則有相之道也。易曰。后以財成天地之道。輔相天地之宜。以左右民。○何氏楷曰。此章是后

稷已為農師而教民之事

○誕降嘉種。維秬音巨維秠音孚。維糜音門維芑音起。恒

之秬音巨。是穫是畝音叶滿。恒之糜芑。是任音壬。是

負叶扶。以歸肇祀叶養。

集傳 賦也。降降是種於民也。書曰。稷降播種是也。秬黑

黍也。秠黑黍一稗音孚。二米者也。糜陸氏德明曰。爾雅作藿。赤梁粟

也。芑白梁粟也。恒徧也。謂徧種之也。孔氏穎達曰。以言種之廣多。故以恒

為徧。定本作恒。任。肩任也。負。背負也。既成則穫而棲之。集注皆作亘字。

詩經卷之八

於畝任負而歸以供祭祀也。秬秠言獲畝。糜芑言任負。

互文耳。肇始也。稷始受國為祭主。故曰肇祀。劉氏瑾曰。后稷得國

而始主祭。則宗廟羣神之祀。皆始此矣。

集說

黃氏樞曰。后稷以前未嘗無黍稷之種也。特未別其維秬維秠維糜維芑耳。后稷為之別其類以時

其耕種。故曰誕降嘉種。言后稷降之於民也。非天降之於后稷也。○朱氏善曰。稷之降種其名不一。而此獨以

秬秠糜芑言者。自其種之嘉而可以供祭祀者言之也。秬秠可以供鬱鬯。糜芑可以供粢盛。故降之於民。使得

以徧種之。種焉而成。成焉而獲。獲焉而任負以歸。於是為鬯酒以降神。為粢盛以享神。此自其始封時言之也。

○誕我祀如何。或春。或掄。或簸。或蹂。

傷容反

音由

波我反

波我反

音柔釋之叟叟。

所留反

烝之浮浮。載謀載惟。取蕭祭

脂。取羝。

都禮反

以軼。

蒲未反。叶蒲昧反。

載燔載烈。

如字。叶力制反。

與嗣歲。

叶音雪。又如字。

集傳

賦也。我祀承上章而言。后稷之祀也。掄。音白也。

陸氏德明曰。抒。蒼頡篇云。取出也。簸。揚去糠也。蹂。蹂禾

○孔氏穎達曰。謂抒米以出白也。取穀以繼之也。劉氏彝曰。蹂。漸米也。叟叟聲也。浮浮。

氣也。陸氏德明曰。叟字又作洩。濤米聲也。爾謀。卜日擇

士也。劉氏瑾曰。周禮大宰及儀禮少牢饋食。皆前期十

次定詩經傳說彙纂

卷十八

生民之什

九

習射以擇士。射中者得與於祭。所惟齋戒具脩也。劉氏擇之士。謂諸侯諸臣及所貢士也。大宰掌百官之誓戒。與其具脩。齋者散齋七日。戒者致齋三日。具謂所當供脩。謂埽除糞酒也。○朱氏公遷曰。謀惟。即天保。蕭蒿也。脂。腠音律。骨也。宗廟之祭。取蕭合腠。所為吉蠲也。骨。藝之。使臭達牆屋也。羝。牡羊也。孔氏穎達曰。軋祭行。道之神也。月令孟冬。其祀行。○鄭氏康成曰。行在廟門之外。西為軋。厚二寸。廣五尺。輪四尺。祀行之禮。北面設主於軋上。○孔氏穎達曰。東西為廣。南北為輪。常祀行神之壇則然。若於國外。祖道軋祭。其壇隨路所嚮。而為廣。輪尺數同也。○季氏本曰。軋。毛氏以為道祭。即鄭氏所謂七祀行神也。冬月陰往陽來。故有此祭。祭在廟門之外。非必燔。傳諸火也。烈。貫之而加於火。有遠行而始軋祭也。

也。孔氏穎達曰。烈。即今之炙肉也。○曹氏粹中曰。宗廟與軋皆有尸。燔烈。所以為尸羞也。四者皆祭祀之事。曹氏居貞曰。朱子雖只指取蕭以下四者而。言然。春籩以及謀惟。亦莫非祭祀時事。特春籩以及謀惟。乃將祭時事。取所以興來歲而繼往歲也。蕭以及燔烈。則臨祭時事。所以興來歲而繼往歲也。○輔氏廣曰。言祭祀之事。前詳於春籩釋烝之事者。不忘本也。載謀載惟而下。備其禮也。其所以祭祀者。以興來歲。繼往歲。蓋始終農事也。○曹氏居貞曰。祭祀以農事而始興。則亦以農事而迭舉。今歲豐年而祭。所以報也。亦所以祈也。於是豐年之祥。無或閒斷。往歲之豐登可繼。來歲之豐登又興矣。可見后稷之謹祭祀。而重農事也。如此。○朱氏道行曰。此皆后稷義起之禮。後來周禮皆本此以貴飾之。

○印五郎盛音成于豆于豆于登其香始升上帝

生民之什

居歆下與胡臭亶時叶上后稷肇祀叶養庶無罪

悔叶呼以迄許乙于今上與

集傳 賦也。印。我也。木曰豆。以薦菹醢也。瓦曰登。以薦大

音 羹也。孔氏穎達曰。天官醢人。掌四豆之實。皆有菹醢。

和實於登。是登為大羹。滫者。肉汁。大古之。居安也。鬼神

食氣曰歆。謝氏枋得曰。天地閒。惟理與氣。有此理。則有

理。有氣。在冥漠之閒耳。凡祭。皆以心感神。以氣合神者。

也。黍稷必馨香。酒殺必芬芳。用椒。用桂。用蕭。用鬱。金草。皆以香氣求神。神以歆饗此氣耳。胡。何。臭。香。亶。誠也。時。言得其時也。庶。

近。迄。至也。○此章言其尊祖配天之祭。其香始升。而上

帝已安而饗之。言應之疾也。此何但芳臭之薦。信得其

時哉。蓋自后稷之肇祀。則庶無罪悔。而至于今矣。曾氏

曰。自后稷肇祀以來。前後相承。兢兢業業。惟恐一有罪

悔。獲戾於天。閱數百年。而此心不易。故曰庶無罪悔。以

迄于今。言周人世世用心如此也。

集說 范氏處義曰。后稷雖肇祀。而未及郊天之禮。以非

功之言。○嚴氏粲曰。天生后稷。以養民。后稷能教民稼

心眷之久矣。自后稷肇祀以來。子孫世修其業。不敢失墜。以獲罪於天。遂至今日。得以成王業而郊天。天之歆饗。蓋在此耳。周之郊也。因稷而致。所謂文武之功。起於后稷。尊后稷以配天。不亦宜乎。○朱氏公遷曰。周人敬天之心。傳自后稷。今以后稷所以敬天者。祀稷而配天。則志意相合。精神相感。神妙之機。有不容言者矣。后稷肇祀之敬。於上章可見。盡志盡物。皆敬也。郊以稷配天。此言帝而不言稷者。統於尊也。帝享則稷亦享之矣。○朱氏善曰。上章言后稷之祀。此章遂言今日尊祖配天之祭。夫莫高於天。莫尊於帝。若不可得而感格也。而香之始升。上帝已安而饗之。豈爲其芳臭之薦得其時而已哉。蓋自后稷之肇祀也。載謀載惟之致其誠。取蕭取羝之致其謹。載燔載烈之致其戒。固未嘗有一毫之罪悔。由后稷而公劉。公劉之心。無以異於后稷也。由公劉而大王。大王之心。無以異於公劉也。由大王而文武。文武之心。又無以異於大王也。今至於後王之時。而

此心之敬畏。猶前日也。則上帝之饗之也。豈徒以其物哉。正以周人之用心。同一敬畏之相傳也。

總論

孔氏穎達曰。生民詩言尊祖之意。以后稷生於姜嫄而來。其文王受命。武王除亂。以定天下之功。其兆本起由於后稷。及周公成王致太平制禮。以王功起於后稷。故推舉之以配天。經八章。上三章言后稷生之所由。顯異之事。下五章言后稷長而有功。見其得以配天之意。

生民八章四章章十句四章章八句

集傳

此詩未詳所用。豈郊祀之後。亦有受釐頒胙

之禮也歟。舊說第三章八句。第四章十句。今案第

三章當爲十句。第四章當爲八句。則去呱訃路音

韻諧協。呱聲載路。文勢通貫。而此詩八章。皆以十句八句相間為次。又二章以後。七章以前。每章章之首。皆有誕字。

集說 段氏昌武曰。配天樂歌。已見於頌。祀主於嚴。肅故其辭簡。此殆大臣因祀事之餘。推原其所以尊者。與七月之辭相類。○吳氏澂曰。頌有思文。后稷矣。生民乃祭之後。飲酒受釐。時所歌。施於人而非施於鬼神者。自當為雅。蓋祭祀之時。歌之於鬼神者。頌詩也。受釐之時。歌之於生人者。雅詩也。○劉氏瑾曰。此詩雖未明言尊稷配天之事。而一詩之意。實為尊稷配天。而推本言之。以為受釐之樂。歌也。

敦徒端反 彼行葦。牛羊勿踐履。方苞方體。維葉泥

泥乃禮反 戚戚兄弟。莫遠具爾。或肆之筵。或

授之几。

集傳 興也。敦。聚貌。勾萌之時也。鄭氏康成曰。勾。屈生也。芒而直曰萌。行道

也。勿。戒止之詞也。苞。甲而未坼也。體。成形也。孔氏穎達曰。成形者

謂至秋乃成為葦。泥。泥柔澤貌。陸氏德明曰。張楫作萑。萑。云草盛也。戚戚。

親也。呂氏祖謙曰。毛氏以戚戚為內相親。惟體之深者。為能識之。莫。猶勿也。具。俱也。

爾。與邇同。肆。陳也。○疑此祭畢而燕父兄耆老之詩。故

言敦彼行葦。而牛羊勿踐履。則方苞方體。而葉泥泥矣。
戚戚兄弟。而莫遠具爾。則或肆之筵。而或授之几矣。鄭氏
康成曰。王與族人燕。年稚者為設筵而已。老者
加之以几。○曹氏粹中曰。几。尊者所憑以為安。此方言
其開燕設席之初。而慤勤篤厚之意。藹然已見於言語
之外矣。讀者詳之。

集說 孔氏穎達曰。言先王有仁恩之故。能誠心親戚。其
親戚之兄弟。無遠無近。王俱爾而揖進之。與之燕
樂。於時王心實悅。或有陳之筵席者。或有授之以几者。
是王能親其所親也。○蘇氏轍曰。道上之葦。其為物也
微矣。仁人君子。將於是求哉。然謂其方且欲生也。故
禁牛羊使勿踐之。而況於人乎。故王者內則親睦九族。

外則尊事黃耆。凡以無逆其性。而非有所望之也。此所
謂忠厚也。○范氏處義曰。由物理以察人倫。乃知兄弟
相親。出於天性。其相聚而處。如葦之同根。其相依而生。
如葦之枝葉。所以不可相遠者。亦如此葦也。○輔氏廣
曰。兄弟親戚。恩意本厚。其所以至於薄者。只緣相遠而
相疎故耳。若常使相近。相見情意浹洽。則相親相敬。相
與燕樂。其於肆筵授几之事。自然有不容已者矣。此為
首章一篇之意。皆具於此。○何氏楷曰。此詩二章以下。
皆言燕樂兄弟之事。然必有此
心為之本。而後燕樂不為虛文。

○肆筵設席。叶祥反授几有緝御。叶魚反或獻或酢。才
反洗爵奠斝。古雅反醢以薦。叶即反或燔或
炙。叶陟反嘉殽脾臠。渠略反或歌或嘏。五洛反

集傳賦也設席重席也。孔氏穎達曰。既言肆筵。上又設

而已。春官司几筵注云。筵亦席也。鋪陳曰筵。藉之曰席。

然則言之筵席通矣。彼以在下為鋪陳。在上人所蹈藉。

故在下者稱筵。在上者稱席。此當與之同也。緝。緝。緝。御侍也。有相續代而侍者。

言不乏使也。劉氏葵曰。更其僕御。所以優老。不暫闕其

所憑。則道飲食。祝噎哽。左右進酒於客曰獻。客答之曰

酢。主人又洗爵。酌客。客受而奠之。不舉也。曹氏粹中曰。

若公與族人燕。則異姓為賓。膳宰為主人。異姓為賓

者。以同姓無相賓客之道也。膳宰為主人者。以君尊。不

親獻酒也。如是。則獻與酢。皆非宗族親

行之禮。推諸侯以見王者當亦然耳。斝。斝。斝也。夏曰醖。

阻限。殷曰斝。孔氏穎達曰。謂之斝者。謂畫禾稼也。○曹氏粹中曰。斝。商爵也。舉商爵者。見周之親

親尚矣。周曰爵。醢。醢之多汁者也。燔用肉。炙用肝。臠。口上

肉也。歌者。比於琴瑟也。孔氏穎達曰。經傳諸言歌者。皆以絃歌之。徒擊鼓曰

琴。○言侍御獻酌飲食歌樂之盛也。

集說

李氏樛曰。非特肆筵。又且設加之。以重席。非特授

謂設莞筵。加繅席。設蒲筵。加莞席。是也。緝。御。即周禮所

謂更僕是也。主人獻賓。賓酢主人。洗爵奠斝。則所以飲

之者無不至也。醢。醢以薦。或燔。或炙。嘉穀脾臠。則所以

食之者無不至也。飲食之具既至。而又思所以樂之。凡

此皆見親親之誠。無不用其極也。○黃氏佐曰。侍御以

養其體。飲以養其陽。食以養其陰。歌樂以和其心。燕禮

之盛如此。所以示慈惠也。

○敦

音雕

弓既堅。

叶吉

四鏃

音侯

既鈞。

音捨

矢既均。

序賓以賢。

叶下

敦弓既句。

古侯反

既挾。

子協反

四

鏃四鏃如樹。

叶上

序賓以不侮。

集傳

賦也。敦。雕通。畫也。天子雕弓。

孔氏穎達曰。敦與彫。古今之異。彫是畫飾。

之義。冬官弓人爲弓。唯言用漆。不言畫。則漆上又畫之耳。

堅。猶勁也。鏃。金鏃翦羽矢也。

爾雅。金鏃翦羽謂之鏃。○孫氏炎曰。金鏃斷羽。使前重也。

鈞。參。亭也。謂三分之

一在前。二在後。三訂之而平者。前有鐵重也。

孔氏穎達曰。輕重鈞。

言四鏃既鈞。故舍釋也。謂發矢也。均。皆中也。賢。射多中

也。投壺曰。某賢於某若干純。

均。是也。

禮記投壺。司射執算曰。左右卒投。請數。二算爲

純。一純以取。一算爲奇。遂以奇算告曰。某賢於

某若干純。奇則曰奇。鈞則曰左右鈞。注。以勝爲賢。尚技

藝也。○儀禮鄉射禮。若右勝。則曰右賢於左。若左勝。則

曰左賢於右。以純數告。若有奇者。亦曰奇。若左右鈞。則

左右皆執一算以告曰。左右鈞。注。賢。猶勝也。言賢者。射

之以中。句。穀通。謂引滿也。孔氏穎達曰。說文云。穀。張弓

爲雋也。句。穀通。謂引滿也。也。二京賦曰。彫弓既穀。穀與

句。字雖異。射禮。摺。音三。挾。音一。既挾。四鏃。則徧釋矣。孔

音義同。穎達曰。摺者。插也。挾。謂手挾之。射用四矢。故插三於帶

間。挾一以扣弦而射也。案大射禮。摺三挾一个。謂卿大

夫若其君則使人如樹如手就樹之言貫革而堅正也

屬矢不親挾也。不侮敬也。令弟子辭。朱氏公遷曰。所謂無無。呼無敖。音傲。

無借音立。無踰言者也。劉氏瑾曰。投壺注。弟子賓黨主。黨年穉者也。謂其立堂下相褻。

慢。司射戒令之。無敖。慢也。借立。或曰。不以中病不中者。不正向前也。踰言。遠談語也。

也。射以中多為雋。以不侮為德。○言既燕而射以為樂。

也。呂氏祖謙曰。鄭康成以為將養老。大射擇士。王肅以為燕射。以詩之所敘。考之儀禮。王肅之說是也。○李

氏如圭曰。大射主於射。故大夫未舉旅則射。燕射主於飲酒。故王肅以此為燕射。於燕旅酬後為之。

集說 呂氏祖謙曰。四鍤既鈞。泛言射者也。故繼之曰序。賓以賢。四鍤如樹。專言勝者也。故繼之曰序。賓以

不侮。○案儀禮。燕射如鄉射之禮。射雖畢而飲未終。舉觶無算爵。獻酌尚多。言酌大斗。祈黃者於既射之後。亦豈不可乎。○輔氏廣曰。前四句言射而中。又以中多為賢。後四句言射而貫革。又以不侮為德。所謂射不主皮也。中多則藝精。不侮則德盛。

三禮 燕必有射。故此章或主養老行射。或主燕射。而呂祖謙輩。以王肅燕射之說為長。朱子疑此為祭畢而燕。父兄者老之詩。因下章有曾孫維主句。又改既醉為荅行葦之篇。既醉言祭。則此篇不得不言祭耳。但祭畢之燕。射以為樂。稽之三禮。無文可考。故朱子亦作疑辭而未定也。

○曾孫維主。如字或叶。酒醴維醑。如主反或。酌以大

斗。叶腫庚反。以祈黃者。叶果五反。黃者台。湯來。背。叶必。或如字。

反 墨 以引以翼壽考維祺音以介景福叶筆力反

集傳 賦也。曾孫主祭者之稱。今祭畢而燕，故因而稱之。

也。毛氏萇曰：曾孫，成王也。○陸氏佃曰：周官王燕，則膳夫為獻主，臣莫敢與君抗禮。今此曾孫維主，則以尊事黃者，所以為厚也。○朱子曰：此詩作於成王之時，則蓋謂成王也。而說者於他詩所謂曾孫，皆以為成王，則誤。醕，厚也。大斗，柄長三尺。孔氏穎達曰：漢禮器制度注，此蓋從大器挹之以樽，用此勺耳。其在樽中，不當用如此長勺也。祈，求也。黃者，老人之

稱。以祈黃者，猶曰以介眉壽云耳。古器物款識王氏逢曰：款，刻

也。識。云。用斲萬壽。用斲眉壽。永命多福。用斲眉壽。萬年記也。

無疆。王氏逢曰：竝見呂大臨考古圖。皆此類也。台，湯來反也。大老則背

有鮐文。孔氏穎達曰：舍人曰：老人氣衰，皮膚消瘠，背若鮐魚也。引導翼輔祺吉也。

○此頌禱之詞。欲其飲此酒而得老壽，又相引導輔翼以享壽祺，介景福也。

集說 輔氏廣曰：頌禱之辭，尤見親愛無窮之意。曰黃者，曰台背。曰壽考。則可見其為燕父兄者老之詩也。

台背，則老又甚於黃者也。相引導，則不昧於所適。相輔翼，則不怠於所行。相與年高而德劬也。

附錄 王氏安石曰：以祈黃者，則序所謂養老乞言也。○

呂氏祖謙曰：酌大斗而祈黃者，飲之也。頌禱與乞言，皆在其中矣。不必專指一端也。○言黃者，相導左右成王，庶其登壽考而介景福也。

案此詩漢唐宋諸儒皆衍序說以爲周家忠厚親睦九族養老乞言遂於末章疏其義因言成王以禮在前導引之以禮在旁贊翼之如此尊養老人故得壽考維吉以受景福朱子則專作老人自相引翼而得福看二說皆可通至序以行葦爲仁及草木則屬講師附益之辭殊失詩義朱子闢之洵不刊矣

總論朱氏善曰侍御之盛言其人之不乏也獻酬之盛言其禮之無闕也飲食之盛言其物之豐也歌樂之盛言其聲之和也前兩章未射而飲燕之始也故備言其禮樂之盛後二章既射而飲燕之終也故惟致其頌禱之誠言

之固有序也

行葦四章章八句

集傳毛七章二章章六句五章章四句鄭八章章

四句毛首章以四句興二句不成文理二章又不

協韻鄭首章有起興而無所興皆誤今正之如此

集說輔氏廣曰先儒分章之誤皆由不知此興之體音韻之節故也是以先生於序說不得不

明辨之

既醉以酒既飽以德君子萬年介爾景福

叶筆力反

集傳賦也德恩惠也陳氏鵬飛曰燕接之間恩澤充足故言飽德○朱子曰德王之德也

君子謂王也爾亦指王也○此父兄所以答行葦之詩言享其飲食恩意之厚而願其受福如此也

集說 孔氏穎達曰。毛以為成王之祭宗廟。羣臣助之。至旅酬而酌酒終。無算爵而皆醉。言成王既醉之。以酒矣。又於祭末見惠施先後歸俎之事。差次二者之德。志意充滿。又是既飽以德矣。君子成王德能如此。當有萬年之壽。天又大與汝大福也。○李氏樗曰。自古人臣之荅其君者。惟冀其受福之多也。天保報上之詩也。而其所以報之者。不過欲其受遐福。故成王之羣臣。其所以荅其君者。亦曰萬年也。○黃氏樗曰。既醉以酒。既飽以德。酒可醉也。德如之何而可飽哉。孔子曰。吾食於少施氏而飽。少施氏食我以禮。乃所以為飽。成王之待羣臣。既醉之以酒。又飽之以德。則其所以待羣臣之禮。至矣。是以羣臣祈之。皆愛君之辭也。○輔氏廣曰。醉酒飽德。則行葦所謂侍御獻酬。飲食歌樂之盛。皆舉之矣。但言德者。蓋德寓於物。言德則可該之。行葦末句云。以介景福者。泛禱之辭也。此言介爾景福者。特禱其君之辭也。

○既醉以酒。爾殽既將。君子萬年。介爾昭明。叶

反郎

集傳 賦也。殽。俎實也。將。行也。亦奉持而進之意。昭明。猶

光大也。王氏安石曰。昭明明德也。

集說 孔氏穎達曰。天又光大汝成王。與之以昭明。使之永作明君也。○曹氏粹中曰。天既錫以壽考。又助之以昭明。則受福無窮。○黃氏樗曰。成王之德。既昭明矣。天如之何而助之。蓋所謂介爾昭明者。所謂錫王勇知之意也。○輔氏廣曰。介爾昭明。欲其君大其明德也。德極於光大。則福亦極於盛大矣。○朱氏公遷曰。光輝盛大。受福之氣象也。○朱氏善曰。上章言介爾景福。此章言介爾昭明。則昭明者。亦指福之高明光大而言耳。

○昭明有融。高朗令終。令終有俶。尺六反。公尸嘉

告。叶姑沃反

集傳 賦也。融。明之盛也。春秋傳曰。明而未融。朗。虛明也。

朱氏公遷曰。虛明。則明之極盛。而無以復加矣。令終。善終也。洪範所謂考終命。

古器物銘所謂令終。命是也。鄭氏康成曰。使王有高

俶始也。公尸。君尸也。周稱王而尸。但曰公尸。蓋因其舊。

如秦已稱皇帝。而其男女。猶稱公子公主也。嘉告。以善

言告之。謂嘏辭也。蓋欲善其終者。必善其始。今固未終

也。而既有其始矣。於是公尸以此告之。黃氏樵曰。尸有祝辭。有嘏辭。祝

以孝告。嘏以慈告。公尸嘉告。先儒以為奉牲以告之辭。愚以為此非祝辭嘏辭也。宗祝傳公尸之辭。以告主人。

集說 李氏樵曰。蘇氏曰。昭明而能融。高朗而能終。終而復始。福無窮也。惟受福如此。故公尸以善言而告

之。○輔氏廣曰。昭明有融者。欲其明德之極於盛也。既言昭明。又言高朗者。昭明。但言其明德而已。言高。則見

其超然於事物之表。言朗。則又見其中虛而表裏瑩徹也。高朗令終。則又欲其高朗之極於常久而能考終命

也。然能善其始。則斯能善其終。今雖未有終。既有其始。此公尸所以嘉告之也。所謂公尸之嘉告。則四章以下

皆是也。○朱氏公遷曰。昭明與景福相屬。高朗又與令終相貫。皆言福耳。大抵受福之君。為赫赫之命所屬。是

以安富尊榮。身顯名著。治化熙洽。休祥畢至。其光明俊偉。氣象自然耳。○朱氏善曰。昭明高朗。言其福之光大。

令終。言其福之悠久。此詩之言昭明高朗。猶天保之言單厚多益。若以德言。而實以福言也。

案既醉之詩。成王嗣位。坐致太平。盡誠敬以事宗廟。備禮文以燕父兄。故頌其德而祝之曰。介爾景福。又進而曰。介爾昭明。昭明有融。高朗令終。令終有俶。其旨遠矣。自漢唐宋儒者。詮昭明之義。都主德以言福。元明以來。始有專主福而不言德者。此傳自講師之見。而非定於朱子。況威儀孔時。是言成王之孝德也。孝子不匱。是言成王之孝德所孚也。孰謂詩人之意。不原諸君德。而徒貢其錫嘏之辭也哉。

○其告維何。籩豆靜嘉。叶居何反朋友攸攝。攝以威

儀。叶牛何反

集傳賦也。靜嘉。清潔而美也。朋友。指賓客助祭者。說見

楚茨篇。劉氏瑾曰。將祭之先。筮其臣之吉者。戒之。使之

之辭。所以攝檢也。○公尸告以汝之祭祀。籩豆之薦。既

重祭事也。陳氏鵬飛曰。傳所謂馨香而無讒慝之意也。而朋友相攝佐者。又皆

靜嘉矣。孔氏穎達曰。各自收斂以相助佐為有威儀當神意也。威儀之事。祭義所謂濟濟漆漆是也。

○黃氏佐曰。攝字。有檢佐自此至終篇。皆述尸告之辭。

二義。王氏安石曰。其設之也不譁。而為之也至美。與執

集說王氏安石曰。其設之也不譁。而為之也至美。與執意。○黃氏樞曰。籩豆所以嚴潔者。固王之誠。亦相祀者威儀。則其助祭也。莫或敢慢。與既齊既稷。既匡既飭。同之敬。祭不在物而在誠。誠之所可見者。寓於威儀之間。○輔氏廣曰。其告維何。問尸告之辭。若何也。籩豆之靜

嘉德之寓於物也。朋友之攝檢以威儀。德之寓於人也。祭祀之事。無大於此二者。人纔敬。則自然收斂而相攝。佐以威儀矣。

○威儀孔時。叶上君子有孝子。叶獎孝子不匱。求

反永錫爾類。

集傳賦也。孝子。主人之嗣子也。儀禮。祭祀之終。有嗣舉

奠。劉氏瑾曰。特牲。祝酌酒奠於神席前。祝祭告畢。迎尸入。至。獻尸而旅酬。主人嗣子入。尸執前所奠。解飲之。

嗣子卒飲。洗酌酒酢。尸。尸啐酒。仍奠其觶。匱竭類善也。○言汝之威儀既得

其宜。曹氏粹中曰。祭義以為主人則其親也。慤其行也。趨趨以數。賓客則濟濟漆漆然。各致其至。故威儀

甚得其時也。○朱氏公遷曰。攝以威儀。助祭者之威儀也。威儀孔時。主祭者之威儀也。又有孝子

以舉奠。呂氏大臨曰。祭祀之終。有嗣舉奠。所以致其傳付祖考德澤之意深矣。孝子之孝。

誠而不竭。則宜永錫爾以善矣。東萊呂氏曰。君子既孝。

而嗣子又孝。其孝可謂源源不竭矣。

集說李氏樛曰。祭義曰。小孝用力。中孝用勞。大孝不匱。惟不匱。故為大孝焉。上之人盡其孝道如此。故天

錫之以善也。○黃氏樛曰。不匱云者。記禮者之所謂大孝也。孝之為道。始焉盡之於心。行之於身。施之於家。終

焉推之於國。達之於天下。又安有所窮極焉。故曰孝子不匱。惟其孝之不匱也。所以轉相教化。而永錫爾類也。

○彭氏執中曰。觀其威儀。孔時。可以見成王之奉先孝矣。固宜有孝子繼於其後。永久不匱。代代相傳。蓋天之

錫君以類相從。必然之理也。○鄒氏泉曰。上章言不特君子之敬。而朋友之攝佐者又敬。是朋友之敬。亦君子之敬也。此章言不特君子之孝。而嗣子之舉奠者。又孝。是孝子之孝。亦君子之孝也。

○其類維何。室家之壺。君子萬年。永錫

祚。才故反。胤。羊刃反。

集傳 賦也。壺。宮中之巷也。言深遠而嚴肅也。祚。福祿也。

胤。子孫也。錫之以善。莫大於此。

集說 輔氏廣曰。此又問其所謂善者如何。則云使爾居於深遠嚴密之宮室。無有外虞。歷萬年之永。而長錫以福祿與子孫也。○劉氏瑾曰。此述尸告以錫善之意。由其儀物之盛美。故錫之以祚。由其嗣子之盡孝。故

錫之以胤。蓋亦各以其類為報。如楚茨工祝致告之意也。○朱氏公遷曰。下章被祿景命。卽祚也。從以孫子之賢。卽胤也。永錫祚胤。則以世繼世。而福無窮矣。

○其胤維何。天被爾祿。君子萬年。景命有

僕。

集傳 賦也。僕。附也。王氏安石曰。屬也。○言將使爾有子孫者。先

當使爾被天祿。而為天命之所附屬。下章乃言子孫之事。

集說 孔氏穎達曰。此但乘其句末而轉之。故云其胤維何。不言其祚耳。其實天被爾祿。景命有僕。卽祚也。

○劉氏瑾曰。上章言錫善而兼舉祚胤。此章述尸告錫祚之事。而必發之。以其僕維何。下章述尸告錫胤之事。而必發之。以其僕維何。蓋錫以胤者。必錫以祚。得其祚者。必得其胤。反覆互言。以見二者相因而兼備也。○錢氏天錫曰。萬年景命。已屬子孫。而子孫之有祚。正君子之福。故仍歸重君子永命上。

○其僕維何。釐力之反爾女士鉅里反。釐爾女士從以

孫子。叶獎里反

集傳 賦也。釐音與子音與也。女士。女之有士行者。謂生淑媛。音院

使為之妃音配也。從隨也。謂又生賢子孫也。

集說 蘇氏轍曰。天之所以屬之者。子之以女子而有君子之行者也。子之以女士。而其子孫無不賢者矣。

○輔氏廣曰。以賢女為妃。又隨之而生賢子孫焉。所謂天命之附屬者。莫大於此。觀周家自大王大姜以來之事。則可見矣。

總論 陳氏櫟曰。介爾昭明。君子之賢明也。從以孫子。後嗣之賢明也。由君子之有孝子。故世世予以女士。

而生孫子。國家千萬世無窮之福。其基本實在於此。父兄之意遠矣。○朱氏善曰。籩豆靜嘉。孝誠之著於物也。朋友攸攝。孝誠之寓於人也。孝子不匱。孝誠之傳於後嗣也。室家之壺。孝誠之形於內助也。錫爾以祚。所以厚其身也。錫爾以胤。所以昌厥後也。釐爾女士。則室家之深遠而嚴肅者。非止於一世。從以孫子。則嗣子之孝誠而不竭者。非止於一人也。此皆述所告之詞也。

既醉八章章四句

詩經卷之八

集說

李氏樛曰。先儒以此詩備五福。君子萬年。壽也。天被爾祿。富也。室家之壺。康寧也。昭明有融。攸好德也。高朗令終。景命有僕。考終命也。以某觀之。非特五福也。方且至於子孫。縣縣延延。似續而不絕。豈特五福而已哉。○朱子詩傳遺說。潘時舉說既醉詩。以為古人祝頌。多以壽考及子孫衆多為言。如華封祝堯。以為願聖人壽。願聖人多男子。亦是此意。曰。此兩事孰有大於此者乎。對曰。觀行葦及既醉二詩。見古之人君。盡其誠敬於祭祀之時。極其恩義於燕飲之際。凡父兄者老所以祝望之者如此。則其獲福也宜矣。此所謂禍福無不自已求之者也。先生頷之。

鳧

音鷺 扶鷺反 於雞

在涇。公尸來燕來寧。爾酒既清。爾

殽既馨。公尸燕飲。福祿來成。

集傳

興也。鳧水鳥如鴨者。

陸氏璣曰。青色。卑脚。短喙。水鳥之謹愿者也。

鷺鷥

也。陸氏佃曰。鷺鷥屬。鳧好沒。鷺鷥好浮。故鷺鷥一名漚。

涇水名。爾自歌工而指主人

也。馨香之遠聞也。○此祭之明日。繹而賓尸之樂。

爾雅釋天

祭名。繹又祭也。周曰繹。商曰彤。夏曰復胙。○郭氏璞曰。祭之明日。每繹復祭。○邢氏昺曰。詩頌絲衣序云。繹賓尸。言繹者。是此祭之名。賓尸。是此祭之事也。○朱子曰。古者宗廟之祭有尸。既祭之明日。則煖其祭食。以燕為尸之人。故言鳧鷺則在涇矣。公尸則來燕來寧矣。嚴氏 粲曰。水鳥在水中得其所。酒清殽馨。則公尸燕飲而福祿來成矣。

詩經卷之八

卷十八

生民之什

七

集說

輔氏廣曰賓尸者以賓禮燕尸也此乃釋祭燕尸之樂歌故不及其他但重疊言之以極其尊敬頌禱之誠耳來如董子所謂福祿自來之來成就也言福祿來成就乎尸也○徐氏常吉日案楚茨鼓鐘送尸神保聿歸則祭畢之燕尸不與也尸何以不與以其象神故不敢畱而轉為次日之燕也燕於次日所以尊尸也尊尸所以尊神也○徐氏鳳彩曰公尸於廟中必有馭然不安者今釋為尸之勞而享為賓之逸為安其禮而來寧也惟酒與殽即前灌將燔炙之餘來成祖考以福祿成就之即於燕飲閒卜之也

附錄

孔氏穎達曰毛以為成王之時天下太平萬物衆多莫不得所其鳧鷖之鳥在於涇水之中得其處也既天下太平成王祭宗廟之神以其明日釋而燕尸此時公尸之來與王燕也其來心則安寧不以已實臣之故而不安由王誠心敬之故也其燕之時爾王之酒既清潔矣爾王之殽既馨香矣乃用之以與公尸燕樂

而飲之則為神所悅以此致福祿而來成汝孝子是為神所安樂之也

○鳧鷖在沙

叶桑何反

公尸來燕來宜

叶牛何反

爾酒既多

爾殽既嘉

叶居何反

公尸燕飲福祿來為

叶吾禾反

集傳

興也為猶助也

集說

毛氏萇曰沙水旁也○孔氏穎達曰易需卦九三需于沙注云沙接水者說文云沙水中散石也水少則沙見故字從水少耳○鄒氏泉曰宜者稱是燕也或云宜者懌其心也有愜所欲之意為訓助天休之至有扶持翼相之意

附錄

毛氏萇曰宜宜其事也言酒品齊多而殽備美厚為孝子也○孔氏穎達曰鳧鷖在於水傍之沙而

得其所。公尸之來燕也。自以其來為宜其事。不以臣故而自嫌。言王事尸之禮備也。其燕之時。爾王之酒既多矣。爾王之殺既善矣。王用之以與公尸燕樂而飲之。故致福祿來而厚為孝子也。

○鳧鷖在渚。公尸來燕來處。爾酒既滑。息汝反爾

殺伊脯。公尸燕飲。福祿來下。叶後五反

集傳興也。渚。水中高地也。滑。酒之沛者也。朱氏公遷曰。沛。見伐木篇。

集說輔氏廣曰。下。自上而下。易辭也。

附錄孔氏穎達曰。鳧鷖來在水中之渚。得其常處。公尸之來燕也。其來似若止得其處。其燕之時。爾王之酒既滑然而沛之。爾王之殺。維是脯矣。王用此酒脯。與公尸燕樂而飲之。為神所饗。福祿來下而與之。

○鳧鷖在渚。公尸來燕來宗。既燕于宗。福

祿攸降。叶乎反公尸燕飲。福祿來崇。

集傳興也。渚。水會也。許氏慎曰。小水入大水也。來宗之宗。尊也。于宗

之宗。廟也。劉氏瑾曰。二宗字。虛實不同。崇。積而高大也。

集說黃氏佐曰。宗訓尊為主人所賓而居尊位也。既燕。指祭而在廟言。所謂以妥以侑是也。燕飲。指釋而在寢言。所謂酒清殺馨是也。向也。敬之如神明。福固高大矣。今也。待以殊遇。有隆無替。其視前日之福。寧不積之而益高以大于乎。

附錄孔氏穎達曰。鳧鷖在於水之會。得其常處。公尸之來燕也。其來有尊敬孝子之心。既來與王燕於宗

廟則福祿從此尸所而下與王也。於時王與公尸燕樂飲酒。故致福祿而來重與王也。○廟以尊重稱宗廟。故宗為尊也。王肅云。言尊敬孝子也。

○鳧鷖在臚。公尸來止熏熏。旨酒欣欣。燔

炙芬芬。公尸燕飲。無有後艱。 叶音 叶音 叶音 叶音

集傳 興也。臚。水流峽中。兩岍如門也。 毛氏萇曰。臚。山絕水也。○孔氏穎達

曰。謂山當水路。令水勢絕也。 熏熏。和說也。欣欣。樂也。芬芬。香也。

集說 黃氏佐曰。熏熏。訓和說。蓋燕主通情。非若向者象神之嚴肅也。○孫氏鑛曰。無有後艱。可見古人兢

兢戒慎意。

附錄 毛氏萇曰。無有後艱。言不敢多祈也。○孔氏穎達曰。鳧鷖在山絕水之臚。得其常處。公尸之來止於

燕坐。熏熏然其又和悅而得其宜。於是行旨美之酒。欣欣然歡樂。薦燔炙之羞。芬芬然馨香。王用之以與公尸燕樂而飲之。致其無復有後日之艱難。孝子之意。不敢多祈。故變文不言福祿以見之。

總論 朱氏公遷曰。來成。來為。來下。攸降。來崇。皆即今日言之。凡得安樂尊榮如此者。是即所謂福也。無有

後艱。則自今以往。永永無墮。而福常若此矣。

案 鳧鷖之詩。漢唐宋諸儒。皆定為祭之明日。繹而賓尸之樂。固已。但毛萇以為燕宗廟之尸。鄭則以首章之在涇。喻燕祭宗廟之尸。二章之在沙。喻燕祭四方萬物之尸。三章之在渚。喻燕祭天地之尸。四章之在漵。喻燕祭社稷山川之尸。五章之在臚。喻燕祭七祀之尸。歐陽修破之曰。鳧鷖在涇。在沙。謂公尸和樂。如水鳥在水中。及

水旁得其所爾。在渚在澗在壑。皆水旁爾。鄭氏曲為分別。以譬在宗廟等處者。皆臆說也。斯論甚當。是以朱子亦不從鄭而從毛。第毛鄭遵大序以詩中爾字指成王言。朱子謂歌工指主人也。然詩在大雅。則亦言王者矣。毛鄭又以成王誠敬燕尸。為神所悅。故賦之福祿。朱子則以公尸燕飲。而受其福祿。蓋疑假樂是公尸之答。鳥鷺。則此篇不便重言王之受釐。然通考詩之全義。凡言祭者。皆美主祭之誠敬而獲福。無歸神貺於公尸者。且假樂全篇。未露公尸見答之文。故朱子究疑而未敢定。則毛鄭之指成王。其說亦未可盡非矣。

鳥鷺五章章六句

集說 范氏處義曰。既醉。鳥鷺。皆祭畢燕飲之詩。故皆言公尸。然既醉乃詩人託公尸告嘏以禱。頌。鳥鷺則詩人專美公尸之燕飲。君臣相與燕樂。善頌善禱。祈國祚於萬年。非天下無事。朝廷晏然。

不能也。

假 中庸春秋傳皆作嘉。今當作嘉。樂音洛。君子。則音。顯顯令德。宜民宜

人受祿于天。叶鐵。保右。音。命。叶彌。之。自天申之。

集傳 賦也。嘉。美也。君子。指王也。民。庶民也。人在位者也。

虞書皋陶謨。知人則哲。能官人。安民則惠。黎民懷之。申。重也。言王之德既宜民

人而受天祿矣。朱氏善曰。此自其已然者言之也。而天之於王。猶反覆

眷顧之不厭。既保之。右之。命之。而又申重之也。朱氏善曰。此自

其無窮者言之也。疑此即公尸之所以答鳥鷺者也。

集說

孔氏穎達曰。安民官人。即善德之事也。天不能自
治下民。立君以治民。治民得宜。則天降之福。○朱
子曰。我有受福祿之理。故天既右之。又申之也。董仲舒
曰。為政而宜於民。故當受祿于天。雖只是疊將來說。然
玩味之。覺他說得自有意思。○輔氏廣曰。顯顯。是明而
可見之意。令德顯然。明著。民人皆宜之。故天祿之也。保
安也。右助也。命命之為天子也。自天申之。則又眷顧無
窮之意。在已之德不已。則在天之命無窮也。○嚴氏粲
曰。言可嘉樂者。此成王也。有顯顯之善德。宜其在下之
民。謂萬姓以和也。宜其在位之人。謂百官以和也。人民
皆宜。是可嘉樂。以此
能受福祿于天也。

○干祿百福。

叶筆力反

子孫千億。穆穆皇皇。宜君宜

王。不愆不忘。率由舊章。

集傳

賦也。穆穆。敬也。皇皇。美也。

姚氏舜牧曰。穆穆皇皇。皆敬德之著於容貌者。

君。諸侯也。王。天子也。愆。過。率。循也。舊章。先王之禮樂政

刑也。○言王者干祿而得百福。季氏本曰。本上文。故其

子孫之蕃。至於千億。適為天子。庶為諸侯。朱氏道行曰。君子宜民人。

天亦報之以宜。無不穆穆皇皇。以遵先王之法者。

集說

朱子曰。上二句是願其子孫之眾多。下四句是願
其子孫之賢。○問不愆不忘。率由舊章。是勿忘勿
助長之意。曰。不必如此說。不愆。是不得過。不忘。是不得
忘。能如此。則能率由舊章。○輔氏廣曰。此說王者干祿
而得百福。然却不說其他。只說其子孫之多且賢者。蓋
福祿無盛於此也。有能敬可美之德。則自然宜君宜王。

矣。不愆不忘。率由舊章。又是詠上兩句。不過乎理。不忘乎心。只是敬也。能敬則能遵先王之法矣。○嚴氏祭曰。干祿言自求多福。謂在我有以致之。非天私於王也。宜子孫之繁。至於千億。傳之無窮也。○謝氏枋得曰。不愆則無聰明亂舊章之過。不忘則常有繼志述事之心。

○威儀抑抑。德音秩秩。無怨無惡。烏路反率由羣

匹。受福無疆。四方之綱。

集傳賦也。抑抑密也。秩秩有常也。匹類也。○言有威儀

聲譽之美。又能無私怨惡。以任衆賢。季氏本曰。與率由舊章相對。率舊章

則法祖矣。率羣匹。則尊賢矣。是以能受無疆之福。為四方之綱。孔氏穎達

曰。言常為君王。統領天下。此與下章皆稱願其子孫之辭也。劉氏瑾曰。上章願王子孫之多且賢。兼適庶而言。此及下章稱願之詞。則皆但言其適為天子者。蓋主為王言之也。或曰。無怨無惡。不為人所怨惡也。鄭氏康成曰。天下皆樂仰之。無有怨惡。

集說

輔氏廣曰。威儀以其見於容止者而言。德音以其形於聲譽者而言。容止抑抑然甚密而無間。聲譽秩秩然有常而不替。其德可謂全矣。能如此。則自然無私怨惡矣。率由舊章。能循用先王之法也。率由羣匹。能盡用天下之賢也。人君而能如此。則宜其受無疆之福。為四方之綱也。○嚴氏祭曰。威儀謹密。德音有常。皆盛德之所著見。故能無所咎怨。無所憎惡。推誠樂與。惟循用羣臣之賢者。此章與上章一體。不愆不忘。為率由舊章言之也。無怨無惡。為率由羣匹言之也。○朱氏公遷曰。宜民宜人。受祿于天。是得人即是得天。受福無疆。四

上勞則下逸矣。不解于位，乃民之所由休息也。

集說

朱子曰：此章承上章之意，故上云四方之綱，即繼之曰之綱之紀。蓋張之為綱，理之為紀。下面百辟卿士，至於庶民，皆是賴君以為綱。所謂不解于位者，蓋欲綱常張而不弛也。曹氏居貞曰：上章既極其稱頌之意矣，此章乃又於稱頌之中而寓規警焉。蓋人君居天下之尊，而使治效及於臣下，信可稱也。如或為之臣者，但知己之得其安，而所以愛君者不知致勉，而使民生之舉安，是豈所願哉！此其規戒之意，有默寓焉者矣。○朱氏公遷曰：百辟在外之諸侯也，卿士在內之羣臣也。不解于位，即之綱之紀而不厭也。於政治之大體而總之無所遺，於其節目而理之無所紊，則天下重任皆歸於已矣。故臣下恃之以安，而愛之願之，惟欲君之無逸以逸其民也。

總論

劉氏瑾曰：首章之言，乃一詩之大旨。二章之不忘，三章之威儀德音，所以為顯顯令德也。三章四方之綱，四章之綱之紀，而民之攸暨，所以宜民也。二章之無怨無惡，率由羣匹，四章燕及朋友，嬉于天子，所以宜人也。至於二章之干祿百福，子孫千億，三章之受福無疆者，又皆所謂受祿于天，而自天申之也。○朱氏公遷曰：此詩祝其君以顯德致福祿，然所謂福祿者，不惟得天命於一時，尤欲其子孫之賢，而保治於無窮也。

假樂四章章六句

集說

輔氏廣曰：自行葦至假樂四詩，若如序說而雅為受釐陳戒之辭，如此四篇，其受釐之辭也。歟。然假樂亦有戒意，故先生不敢斷然以為公尸答鳧鷖之作，但為疑辭於首章之末，而又取東萊之說載於篇終也。

篤公劉。匪居匪康。迺場迺疆。迺積迺倉。迺裹

矢斯張。干戈戚揚。爰方啓行。音侯。音糧。音良。音橐。音囊。音輯。音用。音光。音弓。

集傳 賦也。篤厚也。公劉。陸氏德明曰。王肅云。公號。劉名也。尚書傳云。公。爵。劉名也。○季

氏本曰。公者。侯國尊君之通稱。劉名。商以前無諱禮。亦如古公之稱。亶父也。后稷之曾孫也。

事見豳風。居安康寧也。場疆田畔也。董氏道曰。場疆皆

迺場迺疆。當有小別。疆如封疆。所包者廣。故王氏於信

南山言疆者為之大界。然則場是小界。今之小田。勝也。

積露積也。餼食糧糗也。嚴氏粲曰。餼乾食也。糧米食也。無底曰橐。有底

曰囊。何氏楷曰。橐今纏腰下者。東方朔傳云。奉輯和戚。

斧揚鉞。孔氏穎達曰。戚揚皆斧鉞之別名。鉞大而斧小。方始也。○舊說。召康公

名以成王將蒞政。當戒以民事。故詠公劉之事以告之。

曰。厚哉公劉之於民也。謝氏枋得曰。周人以忠厚為家

法。此詩六章。皆曰篤公劉。篤者。厚之至也。其在西戎。不敢寧居。治其田疇。實其倉廩。既富且

強。於是裹其餼糧。思以輯和其民人。而光顯其國家。然

後以其弓矢斧鉞之備。爰始啓行而遷都於豳焉。蓋亦

不出其封內也。

集說

蘇氏轍曰。后稷始封郃。傳於不窋而失其官。犇於戎狄之間。再世不顯。其孫公劉復修后稷之業。始居於豳。故召公稱之以教成王。曹氏粹中曰。于橐于囊則糧聚矣。干戈威揚則兵治矣。足食足兵。於是乃可以遷。張氏栻曰。公劉遷國。已與百姓俱無不足之患也。呂氏祖謙曰。毛鄭以公劉居於郃。而遭夏人亂。難遷於豳。且以為在郃有疆場積倉。為夏人迫逐。乃棄而去。攷之是章。意象整暇。不見迫逐之事。以國語史記參之。蓋自不窋竄於西戎。至公劉而復興。疆場積倉。內治既備。然後裹糧治兵。拓大境土。而遷國於豳焉。國都雖遷。向之疆場積倉。固在其封內也。黃氏樵曰。公劉不輕於用民也。必先有以蓄民之財。治民之情。而後用民之力。其篤於為民之心可見矣。孟子曰。居者有積倉。行者有裹糧。然後可以爰方啓行。然後可三字。足以見公劉厚民之心。

○篤公劉于豳斯原。既庶既繁。既順迺宣。

而無永歎。他安反陟則在巘。魚輦反復降在原。何

以舟之維玉及瑤。音遙鞞。必頂反琫。必孔反容刀。徒叶

反招

集傳 賦也。胥相也。庶繁。謂居之者衆也。順安。宣徧也。言

居之徧也。無永歎。得其所。不思舊也。巘。山頂也。陸氏德

本又作廡。○孔氏穎達曰。巘。既。山狀似之。上大下小。因為名。舟帶也。鞞。刀鞘。音笑也。琫。

刀上飾也。何氏楷曰。禮。天子玉琫而珣。珣。諸侯盪琫而璆。璆。則琫字從玉。而非玉名。乃刀鞘受飾之

處名之。容刀。容飾之刀也。或曰。容刀。如言容臭。謂鞞琫為琫耳。容此刀耳。朱子曰。容臭。如今香囊是也。○劉氏瑾曰。臭者。香物。若菑蘭之屬。亦以香囊之中。容此香物。而謂之容臭耳。言公劉至豳。欲相土以居。而帶此劍佩。以上下於山原也。東萊呂氏曰。以如是之佩服。而親如是之勞苦。斯其所以為厚於民也歟。朱氏公遷曰。貴而能勤。所以為厚。

集說 朱子詩傳遺說。問二章說既庶既繁。既順迺宣。而四章方言居邑之成。不知未成邑之時。何以得民居之繁庶也。曰。公劉始於草創。而人從之者。已若是其盛。是以居邑由是而成也。○輔氏廣曰。既庶既繁者。言

民之來遷者。既眾而且多也。既順迺宣者。言民之來居者。既安而遂徧也。如此。則得其所而無永歎也。宜矣。此章前五句。言相土而居以後事。後五句。言相土以居。初時事。言其後民之所以即其安者。由公劉初時躬執其勞。如此故也。○錢氏天錫曰。邑居未定。民情已安。民安而後居可定也。陟降。正見上下山原之勞。凡夫形勢之高下。俱要審察。以觀其風氣之萃聚。然後可以定都也。

○篤公劉。逝彼百泉。瞻彼溇原。迺陟南岡。乃覲于京。叶居良反京師之野。叶上與反于時處處。于時廬旅。于時言言。于時語語。

集傳 賦也。溇。大觀見也。京。高邱也。師。眾也。京師。高邱而

衆居也。董氏曰：所謂京師者，蓋起於此。其後世因以所

都為京師也。彭氏執中曰：公劉營邑於豳，曰京師之時。野蓋山川盤結，風氣所萃，亦一都會也。

是也。處處居室也。廬寄也。旅賓旅也。孔氏穎達曰：地官遺人治國野之道。

以待賓客云。十里有廬。廬有飲。食則廬是賓客寄舍其中也。直言曰言論難曰語。

此章言營度邑居也。自下觀之，則往百泉。嚴氏粲曰：百泉衆水也。今

地理家言衆水所聚為得水也。杜佑云：百泉在漢為朝那縣，屬安定郡。在唐為百泉縣，屬平涼郡。當是其地。因

詩百泉而而望廣原。何氏楷曰：李巡云：土地寬博而平得名耳。

平則曰原。狀其大則曰。自上觀之，則陟南岡而覲于京。溥非先有此地名也。

于是為之居室。于是廬其賓旅。于是言其所言。于是語其所語。無不于斯焉。

集說

鄭氏康成曰：厚乎公劉之相此原地也。往之彼百泉之間，視其廣原可居之處，乃升其南山之脊，乃

見其可居者于京，謂可營立都邑之處。京地乃衆民所宜居之野也。于是安民館客，施教令也。○蘇氏轍曰：公

劉之營京邑也。自下自上觀之，審其可處矣。則經畫以定之。曰：此可以居民。此可以廬賓旅。此可以施教令。此

可以議政事。蓋自遷豳至此，而始有朝廷邑居之正焉。○輔氏廣曰：既即流水之會以觀，則見其廣原之所在。

又登在南之岡以望，而復見其高邱之所在。於是即其衆居之野而為居室焉。既宜地利，又順民心也。○鄒氏

泉曰：廣原在百泉之側，瞻溥原而必逝百泉者，蓋原惟廣必周流而後可以徧覽之。高邱在南岡之下，覲于京

生民之什

而必陟南岡者。蓋京惟高。必登其尤高者。而後可以遠視之。下觀者。觀其包絡之形。方面之正也。上觀者。觀其橫峙之形。向背之宜也。

○篤公劉。于京斯依。叶於豈反。蹌蹌濟濟。七羊反。俾

筵俾几。既登乃依。同上。乃造其曹。執豕于牢。

酌之用匏。步交反。食之飲之。於鳩反。君之宗之。就用以字

韻為

集傳 賦也。依安也。孔氏穎達曰。上京師之野。于時處處謂眾民處處。此言于京斯依。則是公

家之事。公劉之居。此京依而築宮室。蹌蹌濟濟。羣臣有威儀貌。曲禮注。濟濟修飭齊

一之貌。蹌蹌翔舉舒揚之貌。俾使也。使人為之設筵几也。登登筵也。

依依几也。曹羣牧之處也。以豕為殽。用匏為爵。儉以質

也。宗尊也。主也。嫡子孫主祭祀。而族人尊之以為主也。

李氏樛曰。周禮。宗子有五。大宗子一。小宗子四。別子為祖。繼別為宗。百世不遷者。大宗也。繼禰之宗。繼祖之宗。繼曾祖之宗。繼高祖之宗。五世則遷者。小宗也。皆所以主祭祀而統族人。如有國有家之重者也。此

章言宮室既成而落之。許氏謙曰。宮室成而祭之曰落。左氏傳。願與諸侯落之。既

以飲食勞其羣臣。而又為之君。為之宗焉。徐氏鳳彩曰。自其長國人

而言。則公劉為之君。自其主族人而言。則公劉為之宗。見同異姓咸在也。東萊呂氏曰。既饗

燕而定經制以整屬其民上則皆統於君下則各統於

宗蓋古者建國立宗其事相須楚執戎蠻子而致邑立

宗以誘其遺民哀公四年左傳注楚復詐即其事也

集說鄭氏康成曰宗尊也公劉雖去邠國來遷羣臣從

而君之尊之猶在邠也○孔氏穎達曰毛以為厚

乎公劉之為君也既為邑於京地於此依之而築宮室

宮室既成則饗燕羣臣其來君所公劉則使人為之設

筵設几賓來就燕既登席矣乃依几矣公劉乃使人造

羣牧執豕以為餼其飲此酒酌之用匏言其新為邦國

儉而禮合也又說公劉已身與之為君與之為大宗也

言公劉之厚於羣臣如此○饗禮當烹太牢以飲賓此

唯用豕者秋官掌客曰凡禮賓客國新殺禮公劉新至

豕地殺禮也○此章言羣臣之愛敬上下之有禮無饗

燕尊賓之事且饗之禮設几而不倚何有賓已登席依

几之義又國君不統宗故有大宗小宗安得為之君復

為之大宗乎箋說為長○朱子語類問君之宗之曰東

萊以為為之立君立宗恐未必是如此只是公劉自為

君宗耳蓋此章言其一時燕饗恐未說及立宗事也○

○篤公劉既溥既長既景迺岡相息亮其陰陽

觀其流泉其軍三單音丹叶度待洛其隰原徹田

為糧度同其夕陽幽居允荒

集傳賦也溥廣也言其艾夷墾辟土地既廣而且長也

景考日景以正四方也。

孔氏穎達曰民居田畝或南或東皆須正其方面故以日影定

之岡登高以望也相視也陰陽向背寒暖之宜也。

孔氏穎達

曰山南為陽山北為陰但廣谷大川有寒有暖寒暖不同所宜則異故相之也。何氏楷曰使種植各適土之

宜如黍宜高燥。流泉水泉灌溉之利也。何氏楷曰使灌

稔宜下溼之類。如水東畝南水南畝東之類。三單未詳徹通也。一井之田九百畝八

家皆私百畝同養公田耕則通力而作收則計畝而分

也。周之徹法自此始其後周公蓋因而修之耳。山西曰

夕陽允信荒大也。此言辨土宜以授所徙之民定其

軍賦與其稅法又度山西之田以廣之。

曹氏粹中曰幽在梁山之西其

東蓋迫於山乃復自西而度之以益其封域。而幽人之居於此益大矣。

集說

鄭氏康成曰公劉居豳既廣其地之東西又長其南北既以日景定其經界於山之脊觀相其陰陽

寒煖所宜流泉浸潤所及皆為利民富國。邠后稷上公之封大國之制三軍以其餘卒為羨今公劉遷於豳民

始從之丁夫適滿三軍之數單者無羨卒也。度其隰與原田之多少徹之使出稅以為國用什一而稅謂之徹。

夕陽者豳之所處也。度其廣輪豳之所處信寬大也。孔氏穎達曰地官小司徒云凡起徒役無過家一人以

其餘為羨羨謂家之副丁也。今言其軍三單則是單而無副故稱單也。徹乃周之稅法公劉夏時諸侯而言

徹者以其俱是什一其名可以相通也。大國三軍亦是周制而謂公劉之時已作三軍者以三代損益事多相

因甘誓云乃召六卿是夏時天子六軍之將方命卿其法與周同也於時大國亦立三卿則知亦作三軍而周制因之耳。○范氏處義曰立大國三軍之制以治兵為徹田什一之法以儲糧言三軍則是單而無副然立國之初以周官軍數言之三軍已三萬七千五百人不為少矣凡周家軍制徹法蓋皆始於此也。

三其軍三單毛傳以為三單相襲也王肅述之云三單相襲止居則婦女在內老弱次之強壯在外言自有備也孔疏謂此言在道時未得安居慮有寇鈔故三重為軍以備禦之然此詩二章已言至豳不應三章方說在道既至豳之日無所用兵三單相襲復何禦哉則疏家已覺傳義未安矣至鄭康成據大國三軍之制則宋儒皆從之惟朱子以為三單未詳然亦未聞以鄭說為非且總注云定軍賦與稅法既依鄭以稅法為即周之徹法則軍賦之定舍周禮奚從耶故存鄭箋於正說不竟闕而勿論也。

○篤公劉于豳斯館叶古涉渭為亂取厲取鍛丁亂

反止基廼理爰眾爰有叶羽夾其皇澗遡其過禾古

反澗止旅廼密芮鞠居六之即反

集傳賦也館客舍也亂舟之截流橫渡者也孔氏穎達曰禮有公

館私館所以止舍其中也水以厲砥鍛鐵止居基定也流為順橫渡則截其流故為亂

理疆理也眾人多也有財足也遡鄉也皇過二澗名芮

水名出吳山西北東入涇周禮職方作汭周禮夏官職方氏雍州其

川涇汭注鞠水外也。○此章又總敘其始終言其始來汭在豳地

未定居之時。涉渭取材。而為舟以來往。取厲取鍛。而成

宮室。孔氏穎達曰。取其礪石鍛具。所以鍛礪斧斤。伐取

史記。公劉自漆沮渡渭。取材用。既止基於此矣。乃疆理其田野。則日益

繁庶富足。其居有夾澗者。有遡澗者。孔氏穎達曰。夾者。開

門嚮之。王肅云。或夾或嚮。所以利民也。其止居之衆。日以益密。乃復即芮

鞫而居之。而豳地日以廣矣。

集說 呂氏祖謙曰。風氣日開。民編日衆。規模日廣。有方

與未艾之象焉。周之王業。既兆於此矣。○朱氏善曰。于豳斯館。為客舍以居也。涉渭為亂。為方舟以濟也。取厲為斤斧之用。不可以無砥也。取鍛為宮室之器。不

可以無鐵也。止基。言其居室之初定也。迺理。言其田疇

之初治也。衆者。人之多。即止基之驗也。有者。財之足。即

迺理之效也。夾澗遡澗。止居益密。復即芮鞫而居之。要其終之盛而言也。

總論 王氏安石曰。周之有公劉。言乎其時則甚微。言乎

其事則甚勤。稱時之甚微。以戒其盈。稱事之甚勤。以懲其逸。蓋召公之志也。○陳氏際泰曰。太王之遷也。

以迫逐。公劉之遷。非以迫逐也。擇而取之也。富庶之後。而遷都。故其後遂大。○古者之建國也。相其陰陽之和。

嘗其水泉之甘。審其土地之宜。觀其草木之饒。然後營

邑立城。制里割宅。夫定軍賦也。取厲鍛也。為政有三。取

公劉六章章十句

集說 孔氏穎達曰。此與洞酌卷阿。俱是召公所作。厚民之事。人君之急務。故先作公劉。非有道

德則不能愛民。故又作洞酌。欲王之修德行道也。君雖有德不能獨治。又作卷阿。戒王使求賢用士也。○陳氏鵬飛曰。公劉之詩。相類七月之詩。七月言先公之風化。而公劉則言建國君民之事。風雅之不同如此。

洞音迴

酌音老

彼音揖

注音茲

茲音甫

可以音反

餼音尺

反音叶昌

豈弟君子。民之父母。

叶音滿反

集傳

興也。洞。遠也。行潦。流潦也。

孔氏穎達曰。行道上雨水流聚。故云流潦也。

餼。烝米一熟。而以水沃之。乃再烝也。饔。酒食也。君子。指王也。○舊說以為召康公戒成王。言遠酌彼行潦。挹之。

於彼而注之於此。

孔氏穎達曰。彼器挹之。而注於此器。

小器而用之。所以轉經二器也。

尚可以餼饔。

蘇氏轍曰。言物無不可用也。

況豈弟之

君子。豈不為民之父母乎。傳曰。豈以強

如字又上聲

教之弟

以悅安之。民皆有父之尊。有母之親。

朱氏公遷曰。此引表記語。兼釋豈弟

之。又曰。民之所好好之。民之所惡惡之。此之謂民之父

母。朱氏公遷曰。此引大學語。專釋父母之義。

集說

輔氏廣曰。每章上三句。有遠近相須。彼此相益。貴

賤相資之意。故以興下兩句。豈以強教之。故有父之尊。弟以悅安之。故有母之親。此以成民之才而言也。民之所好好之。民之所惡惡之。此以體民之心而言也。

既有以成其才。又有以體其心。則能盡教育之道矣。此其所以為民之父母也。○朱氏公遷曰。此以小物之功用。與大德之功用。明人君不可無豈弟之德也。夫以文王之盛德。至極無加。乃得稱為豈弟。召公以此期之成王。則其戒君之意遠矣。○呂氏柟曰。行潦。餽餼。污潔不同也。然挹彼注茲。汚者亦可潔用之。君子與民。上下殊分也。然豈弟以近之。則為民之父母矣。

○**澗酌彼行潦。挹彼注茲。可以濯纍。**音雷**豈弟君**

子。民之攸歸。叶古。回反。

集傳 興也。濯。滌也。孔氏穎達曰。說文云。滌。洗也。濯。浣也。則濯滌。俱是洗浣之名。

集說 張子曰。皇天親有德。饗有道。民之攸歸之類也。○何氏楷曰。纍者。貴器。可以濯纍。言其可以貴用之。

也。君子以豈弟為德。於天下之人。教之則無類。立之則無方。宜其為民之所歸心也。

○**澗酌彼行潦。挹彼注茲。可以濯漑。**古愛反。叶古氣反。**豈**

弟君子。民之攸暨。許既反。

集傳 興也。漑。亦滌也。孔氏穎達曰。傳云。漑。清也。謂洗之使清潔也。暨。息也。

集說 輔氏廣曰。攸歸。為民所歸往。攸暨。為民所安息。皆所以終首章父母之義也。○徐氏鳳彩曰。可以濯漑。則無物不濯。又不止一疊而已。以物潔滌而可用。興君子和易而民安。

總論 鄒氏泉曰。此詩。見民之休戚在下。而其機則係於上。詞雖褒美。而意則實以勸戒之。召公之善於告君如此。厥後成王。祇勤於德。夙夜以綏兆民。而六服羣辟。罔不承德。蓋深有得於召公之訓者。

洞酌三章章五句

有卷音權者阿與歌。飄風自南。叶尼豈弟君子。來游

來歌。與阿以矢其音。

集傳賦也。卷。曲也。阿。大陵也。豈弟君子。指玉也。曹氏粹

弟君子。樂於循理。而以平易近民。人君之德也。故詩人美人君之德。必以豈弟稱之。矢。陳也。○此

詩。舊說亦召康公作。疑公從成王游歌於卷阿之上。因

王之歌。而作此以為戒。此章總敘以發端也。

集說輔氏廣曰。此是賦體。皆言其實。有卷者阿。言其地也。飄風自南。言其時也。豈弟君子。來游來歌。以矢

其音。言其事也。○朱氏善曰。太和盛治之時。以三光則得其明。以四時則得其序。以庶類則得其所。是誠可樂也。然天地盈虛。與時消息。而謂盛可保其常不衰乎。此其所可慮也。夫惟慮之於極盛之時。此有虞所以有皋陶之賡歌。有周所以有召公之矢音也。○王氏逢曰。地勢美而天氣和。則君心悅而臣言入矣。蓋見成王當此之際。其曾次直與天地同流。所以召公繼其詠歌。而以規戒之言進之也。

附錄毛氏萇曰。興也。卷。曲也。飄風。回風也。○鄭氏康成

來入之。喻王當屈體以待賢者。○王氏安石曰。有卷者阿。則虛中屈體之大陵。飄風自南。則化養萬物之迴風。不虛中。則風無自而入。不屈體。則風無自而留。其為陵也不大。則其化養也不博。王之求賢。則亦如此而已。○呂氏祖謙曰。此章具賦比興三義。其作詩之由。當從朱氏。其因卷阿飄風而發興。當從毛氏。以卷阿飄風而興

求賢。因以虛中屈體化養萬物為比。則當如鄭氏王氏之說也。三說相須。其義始備。
 卷阿首章。毛以為興。鄭王以為比。朱子以為賦。呂以為三說相須。其義始備。然詩言豈弟君子。毛鄭俱作賢人看。故比興可通。朱子作成王看。則比興無所取。故疑召公從王游於卷阿之上而為賦也。毛鄭之於此章詩義。似紆曲。不若朱傳為直捷矣。

伴音喚爾游矣。優游爾休矣。豈弟君子。俾

爾彌爾性。似先公酋在由反矣。

集傳 賦也。伴。與優游。閑暇之意。鄒氏泉曰。伴。與有精神

自適之意。爾。君子。皆指王也。彌。終也。性。猶命也。酋。終也。○言

爾既伴與優游矣。又呼而告之。言使爾終其壽命。似先君善始而善終也。朱氏公遷曰。言先公。則先王在。自此其中。故傳以先君代先公字。
 至第四章。皆極言壽考福祿之盛。以廣王心而歆動之。五章以後。乃告以所以致此之由也。

集說 輔氏廣曰。伴與爾游矣。言成王當此閑暇而來游於此也。優游爾休矣。言成王於此優游而自得其

休也。豈弟君子。呼成王以為樂易君子也。觀成王閑暇優游於此。則其樂易可知矣。俾爾彌爾性。謂終其壽考。似先公酋矣。謂如周之先公以來善始善終也。於此見召公得保傅之體。不過稱不溢美之意。○朱氏善曰。當閑暇之時。享和平之福。此其已然者也。又當使爾終其壽命。以保之於無窮。周之先公。皆能享壽考福祿之盛。

成王以持盈守成之主。而欲似先公之善始善終。則所以致此者。必自有其道矣。此所以廣王心。而歆動之也。○姚氏舜牧曰。天保三俾爾。是天所賦畀。此三俾爾。是人所注望。皆忠臣望君之辭。○董氏安石曰。彌者。充而成之。使無閒之謂也。○董氏道曰。能充其性。則能似其先君矣。○呂氏祖謙曰。自此章以下。皆召公陳其詠歌之辭也。國家閑暇。君臣游衍。可謂伴奭而優游矣。所願乎成王者。惟充其性。似先公之克終而已。俾爾者。祝辭也。彌爾性者。祝其進益成就。至於無虧闕之地也。似先公者。召公周之尊老。故其祝成王。遠本先公。不忘舊也。祝之。所以戒之也。○案俾爾彌爾性。毛鄭以為終女之性命。朱子從之。作壽考上講。宋元諸儒以性之義廣。未可以命該之。故從德性上詮解者居多。其理亦通。

爾土字版符版反章亦孔之厚叶根口下主二反矣豈弟

君子俾爾彌爾性百神爾主叶當口腫庚二反矣

集傳 賦也。版章大明也。或曰。版當作版。版章猶版圖也。

梁氏益曰。周禮秋官司民。掌登萬民之數。自生齒以上。皆書於版。鄭氏注。版。今戶籍也。夏官職方氏。掌天下之圖。以掌天下之地。注云。如今司空輿地圖也。 ○言爾土字版章。既甚厚矣。又

使爾終其身常為天地山川鬼神之主也。孔氏穎達曰。祭法云。有天

下者祭百神。則為天子者。固自為百神主矣。

集說 張氏耒曰。治天下者。雖無事於恢大。幸而治得於內。則土字廣於外。蓋人歸者衆。則各以其地附之。

矣。非侵伐攻取而得之也。○朱氏善曰。王者之都。雖止乎千里之遠。而其封域。則極乎四海之廣。取者大也。言其無不包也。章者明也。言其無不治也。厚者如地勢之重厚。言其無不承載也。郊焉而祭天。社焉而祭地。所以為天地之主也。望焉而祭山川。所以為山川之主也。廟焉而祭人鬼。所以為人鬼之主也。

○爾受命長矣。弗反。祿爾康矣。豈弟君子。俾

爾彌爾性。純嘏爾常矣。

集傳

賦也。弗。嘏。皆福也。

曹氏粹中曰。草多謂之弗。弗祿。言得福之蕃茂也。

常。常

享之也。

集說

呂氏祖謙曰。自二章至此章。皆歎美祝戒之辭。雖未及於求賢。然成王所以彌爾性而似先公。主百

神而常純嘏者。果何以致之乎。其意蓋在其中矣。○姚氏舜牧曰。周自文武受命。以至今。而太平無事。極一時之盛。故稱受命長而弗祿康。純嘏。即上文之受命。弗祿也。爾常者。常膺此無窮之曆服。常享此太平之弗祿也。

○有馮符冰反。有翼。有孝。有德。以引以翼。豈弟君子。四方為則。

集傳

賦也。馮。謂可為依者。翼。謂可為輔者。孝。謂能事親

者。德。謂得於己者。引導其前也。翼。相其左右也。東萊呂氏曰。賢者之行。非一端。必曰有孝有德。何也。蓋人主常與慈祥篤實之人處。謝氏枋得曰。不求非常之才。而止曰孝德。何也。蓋孝於親者。必忠於

君。唐虞以上。無才德之分。如皋陶九德。皆才也。舜舉元
凱之才。皆德也。○朱氏公遷曰。慈祥以孝言。篤實以德
言。朱子以馮翼孝德為四臣。呂氏即以孝德之人為可馮翼者。其所以興起善端。涵養
德性。鎮其躁而消其邪。日改月化。有不在言語之間者
矣。○言得賢以自輔如此。則其德日修。而四方以為則
矣。自此章以下。乃言所以致上章福祿之由也。

集說

輔氏廣曰。以引以翼。引如引君以當道之引。翼如
予欲有為。汝翼之翼。呂氏所謂慈祥者。能孝之人
也。所謂篤實者。有德之人也。得如是之人以引翼之。則
王德無愆。王德無愆。則四方以為法則。四方以為法則。
則可以居大位而無忝。受天祿而無窮矣。○季氏本曰。
馮翼以賢臣之適於用者言。孝德以賢臣之本於心者

言。人君能致賢臣以為引翼。則惟以德自將。而無為民
化。故曰四方為則。○鄒氏泉曰。享福之道。必由於有德。
而有德之助。必在於得賢。馮翼孝德已用之賢。非無是
人。而作詩之意。則主未用者言。馮者。忠諫可託心膂。翼
者。才猷可任股肱。孝者。順德善事親。則有移忠之心。德
者。行道有得於已。則具正物之學。以之引導。而不昧於
所適。以之輔翼。而不怠於所行。則其德日修矣。

○顯顯印印。如圭如璋。令聞令望。豈弟君子。四方為綱。

集傳

賦也。顯顯。魚容反。印印。五岡反。尊嚴也。如圭如璋。純潔
也。令聞善譽也。令望威儀可望法也。蘇氏轍曰。遠之則
有令聞。近之則有

望。○承上章言得馮翼孝德之助。則能如此。而四方以爲綱矣。

集說

輔氏廣曰。此章乃足上章之義。顯顯印印。體貌之尊嚴也。如圭如璋。德行之溫純也。令聞聲譽之美也。令望表儀之善也。夫如是。然後爲人君之全德。非得賢而引翼之。何以臻此。四方爲綱。四方以爲綱。領也。○朱氏公遷曰。綱者。衆紀之所繫。天下歸於一人。猶衆紀屬於一綱耳。○顧氏起元曰。爲則。有師道意。爲綱。有君道意。

○鳳凰于飛。翾翾其羽。亦集爰止。藹藹王

多吉士。

鈕里反

維君子使。婚于天子。

集傳

興也。鳳凰靈鳥也。雄曰鳳。雌曰凰。孔氏穎達曰。天鹿後蛇頸。魚尾龍文。龜背燕頤。雞喙五色備舉。出於東方君子之國。見則天下大安寧。翾翾羽聲也。鄭氏以爲因時鳳凰至。故以爲喻。理或然也。蔡氏沈曰。是時

周方隆盛。鳴鳳在郊。鳴于高岡者。乃詠其實也。藹藹衆多也。婚順愛也。○鳳凰

于飛。則翾翾其羽。而集於其所止矣。藹藹王多吉士。則維王之所使。而皆婚于天子矣。既曰君子。又曰天子。猶曰王于出征。以佐天子云爾。

集說

呂氏祖謙曰。自此以下。廣言人材之盛也。亦集爰止。言其萃聚也。○劉氏濟曰。鳳隱見以時。類君子

之出處。○朱氏公遷曰。禽鳥之性。必欲得所止。賢士之心。必欲致於用。苟得見用。則隨所使令。而皆輸其媚愛于天。子矣。

○鳳凰于飛。翾翾其羽。亦傅音于天。叶鐵藹藹

王多吉人。維君子命。叶彌媚于庶人。

集傳興也。媚于庶人。順愛于民也。謝氏枋得曰。媚于天子。愛君也。媚于庶人。為王愛其民也。

集說輔氏廣曰。上二章。乃因時鳳凰之至。而以興賢者之來集也。維君子使。維君子命。謂委質於君。一聽其使令也。媚于天子。則見賢者無勉強不得已之意。媚于庶人。則見賢者有維持浹洽之德。後世多以鳳比賢者乎。

人。蓋本於此。○姚氏舜牧曰。吉人。吉士。總是馮翼孝德之人。在朝曰士。在外曰人耳。○王氏志長曰。亦集爰止。由野而升朝也。始進也。亦傅于天。由庶僚而躋師保也。媚于庶人。所以為媚于天子。舍安民而外。寧復有所謂熙帝載者乎。

○鳳凰鳴矣。于彼高岡。梧桐生矣。于彼朝陽。萃

萃布孔反。萋萋七西反。雝雝叶居反。奚反。

集傳比也。陳氏鵬飛曰。比。賢者必聚於有道之朝。○朱氏善曰。鳳凰者。賢才之喻。高岡者。朝廷之喻。梧桐者。賢君之喻。又以興下章之事也。徐氏鳳彩曰。以朝陽者。明時之喻。又與下章聖君有待。梧桐生之盛。而後鳳凰鳴之和。興下章聖君有待。山之東曰朝陽。孫氏賢之禮。而後賢才有效用之忠。

山之東曰朝陽。孫氏

金定詩經傳言卷之六

朝先見日也。○孔氏穎達曰。早見日陽。被溫仁之氣。鳳凰之性。非梧桐不棲。陸氏梧。一名櫬。即梧桐也。今人以其皮青。號曰青桐。非竹實不食。萃萃萋萋。梧桐生之盛也。雖雖喈喈。鳳凰鳴之和也。

集說 劉氏彝曰。萬物之理。類之所感。有不召而自應。惟其梧桐萃萃萋萋。是以鳳凰雖雖喈喈。非類之自應。不期然而然耶。由此觀之。則君臣感會之機。可想矣。○朱氏公遷曰。高岡非潛伏之地。朝陽為明盛之處。賢者出潛離隱。而逢致治之時也。其相遇之盛。既如此。必君盡其禮。猶萃萋然。則臣得展其所蘊。猶雖喈然。其相與之盛。當如此。今而賢者集於王朝矣。而禮意之隆。則有望於成王也。

○君子之車。既庶且多。君子之馬。既閑且馳。唐叶

何反 矢詩不多。維以遂歌。

集傳 賦也。承上章之興也。萃萃萋萋。則雖雖喈喈矣。君子之車馬。則既眾多而閑習矣。其意若曰。是亦足以待天下之賢者。而不厭其多矣。遂歌。蓋繼王之聲。而遂歌之。猶書所謂賡載歌也。蔡氏沈曰。賡。續載成也。續。帝歌以成其義也。

集說 呂氏祖謙曰。高岡。顯地也。梧桐。嘉木也。鳳凰棲鳴。其間。可謂得其所矣。故極言萃萋之盛。雖喈之樂。以形容之。今王之車馬。既多。既閑。苟得眾賢載之。其光華和樂。殆非形容所及也。有其時。有其具。召公所以欲成王勉乎此也。○輔氏廣曰。車馬眾多而閑習。則足以為招來待遇賢者之具矣。其所以望於王。蓋有不待言。

次定詩經傳言卷之六 卷十八 生民之什 三

而可知者。詩所以言其志。而音則聲之成文者。其實一也。先言以矢其音。卽其歌而言之也。終言矢詩不多。卽其實而言之也。○王氏曰。休曰。此詩非不多也。召公以爲不多者。愛君之心無已也。

總論

范氏處義曰。召公進戒曰。求賢足矣。必曰吉士。吉人何也。周公作立政以告成王。亦曰。其勿以儉人。其惟吉士。蓋儉利之人。常近於薄。吉善之士。常近於厚。使人主於用人之際。必求吉善之士而信任之。雖其天資靜重。不求赫赫之名。誠足以壽風俗之脈。爲國家之福也。○朱子曰。召康公戒成王。其始只說箇好意思。如豈弟君子。皆指成王。純嘏爾常之類。皆說優游享福之事。至有馮有翼以下。方說用賢大抵告人之法。亦當如此。須先令人歆羨此事。則其肯從吾言。必樂爲之矣。○時舉說卷阿詩畢。以爲詩中凡稱頌人君之壽考福祿者。必歸於得人之盛。故旣醉云。君子萬年。介爾景福。而必曰朋友攸攝。攝以威儀。假樂言受天之祿。與干祿百。

福而必曰率由羣匹。與百辟卿士。婚于天子。蓋人君所以致福祿者。未有不自得人始也。先生領之。

卷阿十章六章章五句四章章六句

集說

嚴氏粲曰。康公三詩。皆作於成王將泄政之初。公劉。洞酌。皆直述之辭。惟卷阿。宛轉反覆。使人再三歌詠。而後悟。蓋其深意所寓。實在此篇也。

民亦勞止。汔許乙反可小康。惠此中國。以綏四方。

無縱詭居毀反隨。以謹無良。式遏寇虐。慝七感反不

畏明。叶謨郎反柔遠能邇。以定我王。

集傳

賦也。汔。幾音也。中國。京師也。四方。諸夏也。京師。諸

夏之根本也。詭隨不顧是非而妄隨人也。嚴氏粲曰：詭詐也。懷詐面

從謹。斂束之意。憚會也。明天之明命也。朱氏公遷曰：憚不畏明。言不畏

正理而無忌憚也。柔安也能順習也。蔡氏沈曰：柔者寬而撫之也。能者擾而習之也。遠近

之勢如此。○序說以此為召穆公刺厲王之詩。以今考之。乃

同列相戒之詞耳。未必專為刺王而發。然其憂時感事

之意亦可見矣。蘇氏曰：人未有無故而妄從人者。維無

良之人將悅其君而竊其權以為寇虐則為之。朱氏善曰：非詭

隨無以媚上而為寇虐之本。非寇虐無以威下而遂詭隨之志。詭隨者柔惡之所為。寇虐者剛惡之所發。故

無縱詭隨則無良之人肅而寇虐無畏之人止。沈氏守正曰：無

縱謂明以燭之。然後柔遠能邇而王室定矣。穆公名虎。斷以絕之也。

康公之後厲王名胡成王七世孫也。

集說 輔氏廣曰：同列之君子相戒無縱詭隨則無良之

人所容。如是然後遠者自然得其安。近者亦自然順習

而無所乖忤。而王室定矣。○濮氏一之曰：每章首言民

今勞弊可少休息。京師者諸夏之本。欲安四方之民。當

自恤京師始。○嚴氏粲曰：穆公戒同列之用事者。言國

以民為本。民勞則國危。今周民亦疲勞矣。庶幾可以小

安之乎。京師諸夏之根本。愛此京師則可以安天下也。

詭隨者。心知其非而詐順從之。此姦人也。人見詭隨者

無所傷拂。則目為善良。不知其容悅取寵。皆為自利之

計。而非忠於所事。實非善良之士也。苟喜其甘言而信
用之。足以名禍亂。致寇虐。但權位尊重者。往往樂軟熟
而憚正直。故詭隨之人。得肆其志。是居上位者。縱之為
患也。今戒用事者。無縱此詭隨。則可以謹防無良之人。
用遏止其寇虐。此理明甚。可痛其不畏明也。治道略外
而詳內。惟柔遠能邇者。可以安吾君。而何取於詭隨乎。
○彭氏執中曰。先言惠中國。以綏四方。此出治之序也。
後言柔遠能邇。此成治之效也。書言柔遠能邇。而必曰
難任人。詩言柔遠能邇。而必曰謹無良。皆有常戒懼之意。

○民亦勞止。汙可小休。惠此中國。以為民逖。無
縱詭隨。以謹惛惚。女交反叶式遏寇虐。無俾民
憂。無棄爾勞。以為王休。尼猶反

集傳 賦也。述聚也。惛惚。猶謹譁也。朱氏公遷曰。謹譁。勞。

猶功也。言無棄爾之前功也。朱氏善曰。勉之。休。美也。唐

汝諤曰。小休之休。以民之休息言。王
休之休。以王之休美言。二休字異義。

集說 輔氏廣曰。以為民述者。蓋中國者。民之所聚也。謹
譁。乃詭隨者之態也。上有寇虐之臣。則下有憂苦

之夫矣。無棄爾勞者。蓋同列平時相與為國家慮者。固
已有定說矣。○嚴氏粲曰。無縱詭隨之人。以防其惛惚
惑亂。主聽也。爾前有功於國。今勿棄其前功。則為吾君
之美。謂使其君安富尊榮也。不然。敗君之事矣。○鄒氏
泉曰。述。聚也。聚其渙散之心。而一之也。○王以安民為
休。遠小人以安民。則民聚而中國惠。享天下治安之美。
所以成王者之休也。○沈氏守正曰。當時非真有除奸
之成勞。曰無棄爾勞者。重其責。故往來善詞。以誘進之。

也。○何氏楷曰。獨言中國者。上章標天下之大勢發論。此章則專主修內治而言。

○民亦勞止。汙可小息。惠此京師。以綏四國。

通無縱詭隨。以謹罔極。式遏寇虐。無俾作慝。吐于

反敬慎威儀。以近有德。

集傳 賦也。罔極。為惡無窮極之人也。有德。有德之人也。

集說 輔氏廣曰。罔極。亦是詭隨者之證。以妄隨人。則為惡。豈有窮極也。無縱詭隨。式遏寇虐。是防禁小人也。敬慎威儀。以近有德。是親近賢者也。徒欲防禁小人。而不知親近有德。則無以增益其知識。開廣其心志矣。然欲近賢者。則須先謹其威儀。威儀不謹。則賢者將望然去之矣。豈可得而親之乎。○嚴氏粲曰。非修身。則

賢不可得而親。故必敬慎威儀。然後可以近有德。○謝氏枋得曰。威儀。所以定命也。有德之士。未有無威儀。若不敬謹威儀。則驕淫傲惰。何所不為。侮老成。遠耆德。則賢者不能相親矣。○黃氏佐曰。人臣之道。所以為國慮者。莫大於息民之勞。然昔之勞之也。由於用悖德之小人。而今之安之也。必在於親有德之君子耳。○沈氏守正曰。三章。以所以禁奸之本告之。蓋我禁奸。奸愈伺我。君子不日親。則小人終不可疎。故必敬威儀。近有德。而後彼之窺覷消耳。

○民亦勞止。汙可小惕。起例惠此中國。俾民憂

泄。以世無縱詭隨。以謹醜厲。式遏寇虐。無俾正

敗。叶蒲戎雖小子。而式弘大。叶特

集傳 賦也。惕。徐氏錯曰。息。泄。去。孔氏穎達曰。其厲惡也。猶憇也。憂寫泄而去。

正敗。正道敗壞也。戎。汝也。言汝雖小子。而其所為甚廣大。不可不謹也。

集說 輔氏廣曰。以小子稱同列。必是長者之辭。觀下篇可見。以身言之。則是小子。以職言之。則是王官。故曰戎雖小子。而式弘大。○嚴氏粲曰。詭隨之人。終必召亂。是為醜厲也。又戒其同列之用事者。云汝雖小子。而所用事甚大。豈可樂佞諛而縱詭隨乎。此詩戎雖小子。及板詩小子躑躅。皆戒責同寮。故稱小子耳。○顧氏起元曰。小子。以年言。弘大。以所為係天下安危生民休戚言。所為甚廣大。則去小人以安民者。不容已矣。

○民亦勞止。汔可小安。惠此中國。國無有殘。無

縱詭隨。以謹繾綣。式遏寇虐。無俾正反。王欲玉

女。是用大諫。春秋傳荀子書竝作簡音簡。○吳氏棫曰。諫。諍也。毛詩式遏寇虐。無俾正反。王

欲玉女。是用大諫。荀子。左氏傳。高堂隆傳。皆作簡。古簡。讀如蹇。反。甫鬱切。

集傳 賦也。繾綣。小人之固結其君者也。孔氏穎達曰。昭二十五年左傳。

繾綣從公。無通外內。則繾綣者。牢固相著之意。正反。反於正也。王氏安石曰。正。盡反而為不正也。正反。則無正矣。○彭氏執中曰。正反。則善惡曲直。無不倒置。天下其可得而正邪。每章言愈切而意愈深。玉寶愛之意。言王欲以女為玉而寶愛之。故我

用王之意。大諫正於女。蓋託為王意以相戒也。輔氏廣曰。既是

王欲寶愛之人。必其寵任者也。故作詩者。託為王意以戒止之。

集說

嚴氏粲曰。無良。昏悞。罔極。醜厲。繾綣。皆極小人之情狀。而總之以詭隨。蓋小人之媚君子。其始皆以詭隨入之。其終無所不至。孔子所謂佞人殆也。○朱氏公遷曰。戎雖小子。而式弘大。憂其任負之重。王欲玉女。是用大諫。體其愛念之深。皆所以為同列謀也。

總論

朱子語類。時舉謂每章上四句。是刺厲王。下六句。是戒其同列。曰。皆只是戒其同列。鋪敘如此。便自可見。古人非是直作一詩以刺其王。只陳其政事之失。自可以為戒。時舉因謂第二章末。謂無棄爾勞。以為王休。蓋以為王者之休。莫大於得人。惟羣臣無棄其功。然後可以為王之休美。至第三章後二句。謂敬慎威儀。以近有德。蓋以為既能拒絕小人。必須自反於己。又不可以不親有德之人。不然。則雖欲絕去小人。未必有以服

其心也。後二章。無俾正敗。無俾正反。尤見詩人憂慮之深。蓋正敗。則惟敗壞吾之正道。而正反。則全然反乎正矣。其憂慮之意。蓋一章切於一章也。先生領之。○彭氏執中曰。此詩以寬治民。以嚴取友。曰綏。曰惠。寬而不擾也。曰無縱。曰以謹。曰式遏。嚴而不怒也。

民勞五章章十句

集說

沈氏萬鈞曰。卷阿。主於用賢。民勞。主於紬不肖。治亂雖異。所以撥亂致治。則同也。

上帝板板。下民卒瘁。當簡反出話不然。為猶不遠。

靡聖管管。不實於亶。猶之未遠。叶音簡是用大諫。

集傳 賦也。板板。反也。卒。盡瘁。病猶謀也。管管。無所依也。

孔氏穎達曰。以管管與靡聖同。文既無聖法。故知無所依繫。○序以此為凡

伯。鄭氏康成曰。凡伯。周同姓。周公之胤也。入為王卿士。○孔氏穎達曰。春秋隱七年。天王使凡伯來聘。世在

王朝。蓋畿內之國。刺厲王之詩。今考其意。亦與前篇相類。但責

之益深切耳。胡氏一桂曰。召穆。凡伯。以親賢之故。宜直

亦以監諉之故。不欲嬰其鋒。以陷於罪。而甚吾君之惡也。邪。吁。二公忠愛之懷。於此益可見矣。此章首

言天反其常道。而使民盡病矣。嚴氏粲曰。凡伯不欲而

女之出言皆不合理。為謀又不久遠。其心以為無復聖

人。但恣已妄行。而無所依據。又不實之於誠信。豈其謀

之未遠而然乎。世亂乃人所為。而曰上帝板板者。無所歸咎之詞耳。

集說

輔氏廣曰。正者。常道也。循其常。則民安。天既盡反

其常道。則民亦安得而不盡病。話者。言語也。猶者。謀慮也。不然。則背理傷道也。不遠。則但為目前之計也。

人心知有聖人。則動作皆有所依據。故出話不敢不然。為謀不至不遠。既已靡聖管管。則所為皆是虛妄。故曰

不實於亶。末言猶之未遠。是用大諫者。蓋人無遠慮。必

有近憂。用是而諫。庶乎其知畏而能止也。○朱氏公遷

曰。既以出話為猶。竝言。而又以猶之不遠申結之。蓋謀出於心。而後言出於口。二者相對。而謀為之主也。○顧氏起元曰。天以安民為心。反其常道。故曰板。此二句。見天變必有人以致之。正當修己回天也。而人事乃如此。故因以責之。

欽定詩經傳說彙纂

○天之方難叶泥無然憲憲叶虛天之方蹶俱衛

無然泄泄以世反辭之輯音集叶矣民之洽矣辭之

懌叶弋矣民之莫矣

集傳賦也。憲憲欣欣也。蹶動也。泄泄猶沓沓也。蓋弛緩

之意。孟子曰事君無義進退無禮言則非先王之道者

朱氏公遷曰猶沓沓也輯和洽懌悅莫定也辭輯而

非詆毀也。懌則言必以先王之道矣所以民無不合無不志也。

集說輔氏廣曰天方艱難則人當憂懼也今乃欣欣然自以為適天方蹶動則人當斂飭也今乃弛緩而

不以為事則是自絕於天矣始也不有夫聖終也自絕於天則其何以能立於人之朝哉下四句又教以先謹其言而不妄發爾辭能和則民自合爾辭能悅則民自定辭和與懌則合乎理而異於不然者矣民合且定則前所謂卒瘁者其有瘳乎○嚴氏粲曰首章責同寮出話不然為猶不遠故二章因戒之以言論之間宜相和協謂爾之出話為猶徒執一己之見者未必有深長之慮而惟寮友之間和同商議庶幾合謀并智可以措民於安耳○錢氏天錫曰難蹶俱以天運言板蕩之天存亡決於頃刻豈易處之際故曰難天心震動命祚將轉運於他人故曰蹶凡言無然皆懲往戒來之詞輯和謂無乖戾悅懌謂無暴厲民洽民莫便可上回天變曰輯曰懌不過一反其不然者而即收其效非難事也

○我雖異事及爾同僚我即爾謀聽我賢許

生民之什

反我言維服勿以為笑叶思先民有言詢于芻

初俱蕘如謠反

集傳賦也異事不同職也同僚同為王臣也春秋傳曰

同官為僚孔氏穎達曰左傳荀林父謂先蔑曰即就也

同官為寮吾嘗同寮敢不盡心乎

器器自得不肯受言之貌服事也猶曰我所言者乃今

之急事也先民古之賢人也芻蕘采薪者古人尚詢及芻蕘況其僚友乎

集說蘇氏轍曰告其寮之信於王者庶幾王信之而其言易入○輔氏廣曰第一第二句言其同有恩義

也三四句言其不有於我也五六句冀其寮也七八句欲其警也○朱氏善曰我之於爾其職分雖不同而其為王臣則一故就爾而謀之將以輸其忠也而爾乃器器而自得我所言乃今日之急務汝其可以為笑乎古

○天方虐無然謔謔虛虐老夫灌灌小子躑

躑其略匪我言耄莫報反叶爾用憂謔多將焯焯

叶許不可救藥各反

集傳賦也謔戲侮也老夫詩人自稱灌灌款款也孔氏

曰至誠款實而告之躑躑驕貌李氏樛曰說文躑躑舉足高也耄

老而昏也。煇煇，熾盛也。○蘇氏曰：老者知其不可，而盡其款誠以告之，少者不信而驕之，故曰非我老耄而妄言，乃汝以憂為戲耳。何氏楷曰：當可憂之時，而反以之為謔。孟子所謂安其危而利其菑也。夫憂未至而救之，猶可為也。苟俟其益多，則如火之盛，不可復救矣。

集說

輔氏廣曰：此章責之又深矣。一二句，戒其不可慢天也。三四句，戒其不可忽已也。五六句，斥其病也。七八句，危其禍也。○朱氏公遷曰：上章誘之，使聽其言。此章警懼之，使不可不聽其言。皆以盡其告戒之誠也。○朱氏善曰：匪我言耄，自老夫灌灌者言之也。爾用憂謔，自小子躑躑者言之也。夫憂不可戲也。苟以憂為謔，

則積之之多，將如火之燎於原，而不可得而撲滅矣。

○天之方濟，才細反叶無為夸，苦花反毗威儀卒迷。

善人載尸，民之方殿屎，許伊反則莫我敢葵，喪浪息

亂蔑資，叶箋西反曾莫惠我師，叶霜夷反

集傳 賦也。儕，怒。夸大，毗，附也。小人之於人，不以大言夸

之，則以諛言毗之也。尸，則不言不為飲食而已者也。孔氏

穎達曰：祭時之尸，以為神象，故終祭而不言。○王氏安石曰：善人載尸，畏禍故也。殿屎，呻吟也。

葵，揆也。蔑，猶滅也。資，與咨同。嗟，歎聲也。惠，順。師，衆也。○

戒小人毋得夸毗使威儀迷亂而善人不得有所為也。又言民方愁苦呻吟而莫敢揆度其所以然者。是以至於散亂滅亡而卒無能惠我師者也。

集說

輔氏廣曰。此章又言上天方怒而戒小人不可行其常態也。夫大言以夸人。則人或以為真能而信之。諛言以毗人。則人或以為愛已而親之。是以威儀迷亂而不分善惡。卒至於使善人反不得有所為也。夫小人用事而善人不得有所為。此民之所以病苦而呻吟也。然君臣上下方且迷亂暴虐。無敢揆度其所以然者。故雖至於喪亂滅亡而嗟歎之聲盈耳。而卒無有順我眾之意者也。自此而下。則其所譏刺漸及於君矣。○朱氏公遷曰。辭輯辭擇。則民合而定。夸大毗附。則民愁苦而呻吟。反覆言之。以見治亂之機。實在於此也。○季氏

本曰。善人不為用。則民情雖急。莫有以遠猶與之葵度者矣。故民喪亂無以為生。而卒無恩惠及於眾庶。此所以不救藥。

○天之牖民如堦。

許元反

如篴。

音池

如璋如圭。

如取如

取。

攜。攜無曰益。牖民孔易。

以政反叶

民之多辟。

匹亦反下

無自立辟。

集傳

賦也。牖。開明也。

程子曰。牖。開通之義。室之暗也。故設牖以通明。

猶言天啓

其心也。

何氏楷曰。左傳言天。牖其衷。用字同此。

堦。唱而篴和。璋。判而圭合。

孔氏穎達曰。半圭為璋。合二璋則成圭。

取求攜得而無所費。

劉氏瑾曰。言求之即得。而

無費於已。皆言易也。辟邪也。○言天之開民其易如此。以明上之化下其易亦然。今民既多邪辟矣。豈可又自立邪辟以道之耶。

集說 陳氏櫟曰。上之於下。開其本明之天性者。固甚易。導之以邪辟之人。偽者亦不難。因開之易而謹導之。方可也。豈可導以邪辟耶。○朱氏善曰。天之開民。如壘簾之相和。言必應也。如璋圭之相合。言必同也。如取物之必得。攜物之必從也。攜而必從。非別立一道以增益之也。因其所固有耳。庸民之道。其易如此。上之化下。其道獨不然乎。

○**价** 音介 **人維藩** 叶分 **大師維垣** **大邦維屏** **大宗維**

翰 叶胡 **懷德維寧** **宗子維城** **無俾城壞** 叶胡罪胡

無獨斯畏 叶紆會於

集傳 賦也。价。大也。大德之人也。藩。籬。師衆垣牆也。大邦。

強國也。屏。樹也。所以為蔽也。大宗。強族也。翰。榦也。宗子。同姓也。○言是六者。皆君之所恃以安。而德其本也。有德。則得是五者之助。不然。則親戚叛之。而城壞。城壞。則藩垣屏翰皆壞。而獨居。獨居。而所可畏者至矣。

集說 李氏樗曰。王所恃以為蕃籬屏翰。蔽其國家者。在此數者。苟以德懷之。則無有不寧矣。詩人以懷德。

維寧間於中。則宗子維城亦當以德懷之也。左氏曰。君其修德以固宗子。何城如之。所謂宗子維城是也。○輔氏廣曰。自价人維藩。至大邦維屏。是自內說及外。大宗維翰。宗子維城。又自疎說及親。自价人至大宗。皆王所恃以為藩垣屏蔽者。然維以德懷之。則王得其所恃以為安。而同姓宗子亦且為我之城矣。王若不務德以為本。則城壞。城壞而藩垣屏蔽亦皆傾圮。而禍亂至矣。○彭氏執中曰。王者之治。親親為大。雖用人以為藩垣屏。而資同姓以為翰。翰者所資以立也。又必待同姓以為城。城者所恃以固也。曰大宗。曰宗子。其意反覆言同姓之至重至切。蓋垣重於藩。屏不可以無翰。而城又大而且重焉。然在人者皆有形之勢。而德之在我。乃無形之勢也。故獨曰維寧焉。○徐氏鳳彩曰。藩在垣之外。喻大德之人。足以匡遠也。垣在藩之內。喻羣黎之眾。足以固本也。屏以為蔽。喻強大之邦。分長方岳。翰以為翰。喻勳舊之族。聯合人心。惟君懷德。則多助自至。故曰維寧。王

室維同姓是依。故曰維城。

○敬天之怒。無敢戲豫。敬天之渝。無敢馳

驅。昊天曰明。及爾游衍。昊天曰旦。及爾游衍。

反 緇 郎反 叶謨 反 叶怡 戰反

集傳 賦也。渝。變也。朱子曰。如迅雷。王往通。言出而有所

往也。旦亦明也。衍寬縱之意。○言天之聰明無所不及。不可以不敬也。板板也。難也。蹶也。虞也。濟也。其怒而變也甚矣。而不之敬也。亦知其有日監在茲者乎。張子曰。

天體物而不遺。猶仁體事而無不在也。禮儀三百。威儀三千。無一事而非仁也。昊天曰明。及爾出王。昊天曰旦。及爾游衍。無一物之不體也。

集說 朱氏公遷曰。戲豫者。自慢之心。馳驅者。自恣之意。皆不知畏天者也。天者。理而已。理無往而不在。故天無往而不監。知此。則敬天之意常存。而易亂為治。不難矣。○朱氏善曰。及爾出王。言一出入之際。而天必與之俱也。及爾游衍。言一動息之頃。而天必與之同也。此所謂陟降厥士。日監在茲也。君子之學。所以必戒懼慎獨之為貴也。○沈氏守正曰。八章。教以回天之在敬也。曰。明日旦。狀天威也。平時猶然。況怒且渝之時乎。○何氏楷曰。敬非空空畏懼而已。必思所以安民而回天者。其所懷當在德矣。

總論 朱氏公遷曰。一章至五章。歸咎於天。教戒而切責之。六章。有望於天。欲其易亂以為治。七章。歸本於德。欲其得人心以輔治。八章。則告以天所當敬之故。庶幾亂之反乎治也。

板八章章八句

集說 嚴氏粲曰。朱氏以此詩為切責其寮友用事之人。而義歸於刺王。與上篇同。味詩意。信然。○姚氏舜牧曰。上篇先致責詞。而以是用大諫。終。此篇略提責詞。而以是用大諫始。各一體。

生民之什十篇六十一章四百三十三句



欽定詩經傳說彙纂卷第十八

金華書院印

卷之八

三

光緒二十八年...



Faint vertical text columns, possibly bleed-through from the reverse side of the page.

